

誠齋詩集

冊二

楊文節公詩集卷之六

宋吉水楊萬里廷秀甫撰

長陽後學彭淑秋潭甫校訂  
繡谷宗裔雲彩四峯甫全校

江湖集

四美堂

義山禾水在處在明月清風無地無光祿子孫寧底巧不應造物獨私渠君不見謝家名子取四字段家作堂兼四美主人自有筆如椽何用殷勤問楊子

秋晚過泉口

日色全無熱秋涼不似初行人驚翡翠掠水度芙蓉平野一回顧遠山千有餘誰令貪眺望却道廢看書

豐山小憩

歸路元無遠行人倦自遲野香寒蝶聚秋色老楓知得得逢清蔭休休憩片時江山豈無意邀我覓新詩

過劉村江

波走痕痕日江呈岸岸秋清流堪數石淺涉不須舟野菊知何喜迎風舞未休  
歸途愁欲暮未暮我何愁

寄蕭仲和

貧裏端何好欣然肯卜居詩臞將到骨室陋得關渠我嬾今仍老誰能強著書  
談間可無子獨判一秋虛

題劉朝英進齋

燈火三更兩詩書一古琴惟愁脚力軟未必聖門深莫笑雲端樹初如澗底針  
不應將一第用破半生心

題王季安主簿佚老堂二首

造物那能惱我曹軟紅塵裏漫徒勞是中却有商量處且道青原幾許高  
布襪青鞋已嬾行不如宴坐聽啼鶯只言此老渾無事種竹移花作麼生

和王元駒

向來淮海說三秦脚踏蘇門最絕塵莫道江山歇英氣如今文物有斯人黃埃  
九陌誰知子青竹千年獨問津未得相看已相識只慙空嘆蜀莊珍

題邱成之司理明遠閣

決曹據按塵似海高閣退食心如冰夜將官本校家本萬山圍裏短檠燈能文  
未得傲能吏好官不應博丁字何時着脚最高層目送歸鴻揮綠綺

和謝昌國送黃

一作章

俊臣相訪

芒屨爲車不必巾天窮未害子能文謝家有句元無繼枉却催詩頭上雲

歲晚出城

溫飽能消底奔忙自作癡平生脚已繭今日鬢將絲山刻霜餘骨梅橫水底枝  
只嫌長落寞不道許幽奇

至鷓鴣洞

岸凍樹逾瘦日高林始明瑤草密如積玉泉中暗鳴初至心爲動欲歸脚還停  
江湖千萬峯穿儂兩鞋青如何鷓鴣嶺咫尺來未曾

讀張忠獻公謚冊感嘆

恩視韓兼趙名均獻與忠禮中非不極勳外若爲同三聖無多學千年僅一翁  
猶憐公議在拚淚乞秋風

寄張欽夫二首

作郡纔佳政留中卽好音還將著書手拈出正君心嶽麓風霜飽修門雨露深  
登庸何恨晚廊廟要山林

工瑟曾緣利鳴琴豈負予髮于貧裏白詩亦病來疎知己俱霄漢孤蹤且簿書  
三年知免矣一飽會歸歟

和張慶長懷麻陽昌英叔二首

舊雪纔追送新梅又作繁欣逢上林鴈聊免管城冠酒債多多在詩盟久久寒  
忽思十年事有枕不能安

自幼仍投老相懽不解愁政緣湖外別負却竹林秋佳政真餘事聞人說甚休  
不應野水渡橫此濟川舟

送羅永年歸永豐

補註永年名椿號就齋誠齋高第

誰道三年聚能勝一別多歲寒知子可心折奈吾何所喜如椽筆能揮却日戈  
老夫留病眼看子中文科

夜坐小集

霜餘雪後夜無風人在燈前梅影中玉作寒蔬冰作酒詩人猶自怨天窮

和謝昌國送管相士韵

半世緣癡自作勞萬人爭處我方逃憐渠識盡公卿得一馬歸來骨轉高

郭漢卿母挽詩

婦節今安仰斯人古有光鷄鳴不知兩薺茂獨凌霜未拜金花誥空悲玉樹郎  
藤輿簾蹙繡無復出萱堂

庚寅正月送羅季周遊學禾川

眼邊相識蠶樣密如子歲寒萬纜一我往西山子義山老裏一別堪三年外舅  
陰功不知數諸孫大半廊廟具學文先要學忍飢明年看子刺天飛

過秀溪長句

去年來此上巳日今年重來未寒食臨溪照影老自羞慙愧春光尙相識秀溪何許好春容最是溪深樹密中海棠開盡却成白桃花欲落翻深紅

題薦福寺

千山底裏着樓臺半夜松風萬壑哀曉起巡簷看題壁雨聲一片隔林來

晚過黃洲舖二絕

數峯殘日紫將銷一片新秧綠未交道是今年春水小漲痕也到岸花梢僕夫已倦路猶賒脚底殊勞眼底佳綠錦堆中半團雪千楓擁出一桐花

過白沙渡得長句呈胡澹菴先生

收紅拾紫消幾許也費一春強半雨不辭長江萬波阻來聽先生夜深語尙憶向來侍樽俎微雪斜飛小梅吐先生半酣染霜兔金章玉句空萬古今年寒食還相聚明年寒食知何處只道先生押班去不道門生折腰苦

長句寄周舍人子充

省齋先生太高寒肯將好詩博好官又告君王覓閑散要讀短檠三萬卷周家  
新畫瑞霧圖渠莫錯認何關渠青原兩公復雙起山川出雲不在此自憐無地  
寄病身四海知己非無人老窮只是詩自娛春色撩人又成句

題峽江譚溫父詠齋

漁郎載我下峽水夜尋故人有譚子柴門竹屋斷崖底良齋手題詠齋字巴邱  
花草一番新玉筍峯頭月半輪如今正是莫春者三嘆春風舞雪下

殘夏獨行奉新縣圃

我來官下未多時梅已黃深李綠肥只怪南風吹紫雪不知屋角棟花飛

晚登清心閣望雨

憫雨喜見雲喜雲愁不雨長風將怒點慰此樓中暮喜雨不但人松竹亦鼓舞  
未知今年熟得似去年否

登清心閣

苦遭好月喚登樓脚力雖慵不自由上得金梯一回首冰輪已過樹梢頭



立秋後一日雨天欲暮小立問月亭偶題

雨後林中別樣涼  
意行幽徑不知長  
風蟬幸自無心事  
強為閑人報夕陽

七月十二日夜登清心閣醉吟

小樓秋夜月明底  
仰不見天惟見水  
岸巾獨立四無人  
白月青天伴楊子  
誰知橫玉作秋聲  
一聲吹盡九陌塵  
月輪半仄吾未睡  
樓角風生涼殺人

昨夜月夜散策縣圃有飛蝶仍聞笛聲

月明未許人早睡  
笛聲解與秋爭清  
夜深不應有飛蝶  
渠儂似欲伴人行

中秋後一夕登清心閣二首

昨夜雲為祟  
今宵月始妍  
如何一日隔  
便減半分圓  
影裏偏宜竹  
光中不剩天

客來休遣去我醉正無眠

秋夜真成畫  
西山却在東  
吹高半輪月  
正賴一襟風  
清景今年過  
何人此與同  
青天忽成紙  
似欲借詩翁

木犀

天將秋氣蒸寒馥月借金波滴小黃不會溪堂老居士更談桂子是天香

送客既歸晚登清心閣

誰不知儂嬾其如送客何葉聲和雨細山色上樓多出處俱爲累昇沉儘聽他  
疎鐘暮相答也解說愁麼

戲嘲金燈花上皂蝶

花鬚爲飯露爲漿黑霧玄霜剪薄裳飛繞金燈來又去不知能有幾多香

劉世臣先生挽詞

策第仍爲邑于公未足論眼中無佛國戶外卽韓門道大功非細人亡德則存  
西風寄雙淚吹到秀峯原

羅元通挽詩

奏賦曾三北興能竟二南如何雙桂子枉着拜親衫舊事餘詩酒何人續笑談  
生前孝友在伐石爲公鑑

羅价卿母李氏挽詩

珍傲宋版印  
孝豈天無報慈如古所稱百年得偕老二子看同升未拜鸞迴紙先虛繡盛藤  
他時賴考叔清淚落君羹

過西山

一年兩踏西山路西山笑人應解語胸中百斛朱墨塵兩捲珠簾無半句殷勤  
買酒謝西山慚愧山光開我顏鬢絲渾爲催科白塵埃滿胸獨遑惜

豫章江臯二首

幸自輕陰好片秋如何餘熱未全休大江欲近風先冷平野無邊草亦愁  
只今秋稼滿江郊猶記春船掠屋茅可是北風寒入骨荻花爭作向南梢

同李簿養直登秋屏

大範今無寺秋屏故有基看山非不好弔古却成悲行役真何苦同來也未遲  
題詩只惡語差勝不題詩

送別吳帥

我公四海不數人小煩江西作好春落霞秋水只似舊如何入筆事事新卽今

諸公方袞袞一老不應閑裏頓政緣山水太殷勤日夜叫闈乞此身二天去人  
忽覺遠兩地起公端不免蒼生未要怨東山未必東山當此怨

歸自豫章復過西山

一眼茗花十里明忽疑九月雪中行我行莫笑無騶從自有西山管送迎

送何主簿歸豐城

庚寅之旱奉新爲甚大帥龔公擇行田之官婺女何季華以府檄來不  
怵不疑竟以實聞縣令楊萬里哦五言以餞其歸

衆裏非無士難中却幾人如何新帥澤偏作此邦春未要棲鸞恨方看報主身  
青燈一樽酒聊復話酸辛

詔追供職學省曉發鳴山駟

數店疎仍密千峯整復斜冰痕猶帶浪霜草自成花錄錄堪朝列星星已鬢華  
帝城萬事好得似早還家

望見靈山

早後催科惱殺儂且隨尺一解而東靈山忽近西山遠回首新吳一夢中

登烏石寺

回頭身忽在樹杪一覽千山萬山小怪崖下落欹欲摧令人仰看怯眼開小亭  
解事知儂倦翼然飛出青山半上頭最上却鏡平百畝金碧千衲僧高峯高寺  
更高閣進步竿頭若爲脚茲遊勝絕庸非天山下虛行二十年

夜宿楊溪曉起見雪

茅簷無聲風不起誤喜夜來雨應止開門送眼忽心驚失却前山萬堆翠江南  
只說浙西山更令着雪與人看諸峯盡處一峯出凜然玉立最高寒溪聲細伴  
吟聲苦客心冷趁波心去掉頭得句恐人嗔且喚征夫問前路

辛卯五月送邱宗卿太傅出守秀州二首

馮翊端誰可邱遲肯去麼繭絲臣敢後饑饉帝云何身遠當難免能稱未要多  
但無田里嘆不必袴襦歌

老矣渠憐我超然我愛渠論詩春雨夜解手藕花初夢只江湖去情知伎倆疎

未應五馬貴不寄一行書

代錢塘宰莫子章賀皇太子生辰

寒外乾坤淨霜前殿閣新如何震一索頓有月重輪  
甲觀堂初畫青宮榜更銀三天同日曉一氣入荒春  
東序緡周學南陽摘漢親承祧英類祖問寢孝通神  
帝子臨京邑藩寮着野人天將重九節瑞應誕彌辰  
萸菊雙爲壽山河總効珍前星環紫極長照漆園椿

題呂子明國論退菴

筆硯工爲崇湖山苦約盟坐忘非聖處行樂且吾生  
一笑誰當會孤斟句恰成何時却乘興雪外扣柴荆

送蜀士張之源二子維燾中童子科西歸

岷山玉樣清岷水眼樣明風流文采故應爾又見張家雙驥子  
小兒八歲骨未成誦書新作鸞鶴聲大兒十二氣已老覓句談經人  
絕倒豫章七年人得知馱馱三日世便奇天生異材能幾許更飽風霜也未遲

壬辰別頭胡元伯丞公折雙梅見贈作一絕以謝之

一花怪結雙青子獨蒂還藏兩玉花薄相春工寧底巧眼明初見雪枝斜

四月初二日進士唱名萬里以省試官待罪殿廬遇林謙之說詩夜歸又見林東因紀其事

清曉朝帝所就列復少須不逢林夫子于何得故吾宮雲霧猶未宸風爽亦初說詩憐新體信美古則無將無古人拙未必今製疎夜歸辱良訊送似談笑餘病懷翻不樂此意從誰舒短歌紀幽事老矣復焉如

送黃仲秉少卿知瀘州二首

灑灑方如象艤艫底似飛相將刺天去收拾大名歸西掖桐陰靜瀘南荔子肥未應經世具便欲閉山扉

補外公何幸求歸我尙留還爲萬里別又費半生愁安得敵黃帽相從却白頭醉中有話在欲說忘來休

晚立西湖惠照寺石橋上

船于鏡面入煙叢寺在湖心更柳中暮色欲來吾欲去其如南北兩高峯

謁永祐陵歸途遊龍瑞宮觀禹穴

我昔騎鳳超九疑今復御風登會稽禹穴下窺正深黑地老天荒知是非好峯  
高處偏薄霧秋熱苦時恰輕雨回頭却望昭陵松雲氣成龍或成虎

寄馬會叔

影轉郎官宿春隨刺史天相從忽相別同舍況同年吾愛吳兒說兄如邵父然  
賜金真浪費喚取從甘泉

送傅安道郎中將漕七閩二首

一代風騷將百年忠義家出關稱使者踏雪度梅花夢破南宮被春生北斗槎  
懸知入奏日不待貢新茶

把酒春如許論詩夜未央相逢便金石何必試冰霜離合知難免愁思自不忘  
他年一茅屋公肯訪荒涼

故恭人劉氏挽詞

徐通仲母





楊文節公詩集卷之七

宋吉水楊萬里廷秀甫撰

長陽後學彭淑秋潭甫校訂

本邑後學趙本漢漱雲甫全校

江湖集

王龜齡挽詞

佛以偏師勝天能一手回橫空立萬仞不為作三魁道大身無着人亡世却哀

溪梅那解事寂寞為誰開

公號梅溪先生

吳母葉氏太孺人挽詞

其子太學博士吳飛英字德華

髮以留賓短家從教子貧斑衣奉常署象服鏡湖春許穆詩還廢班姑史尚新  
不堪萱草露也解泣慈親

答章漢直

詩人今代謝宣城舉子新年章子平兩牘風殘忽春暮花催草喚又詩成五湖  
煙水三冬臥萬里雲霄一日程老裏睡多吟裏少舊家句熟近來生

西湖晚歸

際晚遊人也合歸畫船猶自弄斜暉西湖兩岸千株柳絮不因風暖自飛

癸巳省宿詠南宮小桃

孤坐南宮悄桃花故故紅晴曛半臉日寒慘數鬚風昔歲山村裏春光痛飲中  
不煩渠伴宿今我已衰翁

送李童子西歸

江西李家童子郎腹載五車千玉皇選德殿後春晝長天子呼來傍御床口角  
誦書如布穀眼光骨法俱冰玉紫綃輕衫髮錦束萬人回頭看不足莫言幼慧  
長不奇楊文公與晏臨淄老翁笞兒也太癡欲鞭轅下追霜蹄六歲取官曲肱  
似春風晝錦歸吾里生子當如李童子至如吾兒豚犬耳

送林謙之司業出爲桂路提刑

兩眼起宵坐搔首偶不欣孤念元無感懷我同社人昨日林先生抱經出成均  
初聞爲渠喜忽悟誰我親緬然記宿昔夜款水際門微月耿耿秋寂幽蛩慨涼新

論詩煮豆粥熟天已晨先生補天手萬象焉能春若非千載仰却要今世珍  
聖門舊傳業不在先生身雪前何有松燬中諒非珉論思尺有咫決去曾逡巡  
誰言我無耳老矣未有聞先生又舍我離別尙足云桂山玉筍立桂水羅帶紋  
得句能寄似不須持嶺雲

寄題天台臨海縣白鶴廟西泉

爲司農顏魯子作魯子始尹臨海禱晴于祠下見殿之東砌有泉而西  
獨無因念安得西泉未幾有泉出焉

東泉千年流不休西泉千年祕不流臨海令尹一念作猿鳥未知泉已覺殿脚  
西頭蒼石根向來原無泉眼痕一朝擘崖迸膏乳却與東泉作賓主令尹已昇  
金掌中白鶴古祠煙雨濛父老思君難再得登亭飲泉三歎息祝君公台壽千  
百

和韓子雲惠詩

幸自同裘好誰令異巷居恭承五箇字不但百車渠句法端何樣先生肯乞餘

只容彈劍缺敢道出無車

乞去聲

送丁子章將漕湖南三首

名時發

嶽麓猿聲裏湘流雁影邊自天持一節到日是新年身退名逾重今稀古則然  
黃花非不好只是插離筵

湖外遊曾漫荒餘好在麼山應依樣瘦民豈似田多不是無風物其如費拊摩  
人言補外樂且道定如何

半世行天下同心寡友生故人今又去此意向誰傾白髮三更語青燈一點明  
看渠還玉署老我正歸耕

送葉叔羽寺丞持節淮東二首

呼酒東西玉探梅南北枝相逢長不款此別有餘思古道寒如水吾儕鬢已絲  
一生商略此更待贈臨歧

賁海誰為崇沿淮困不勝民思賢使者帝遣大農丞玉節寒侵斗牙檣凍作冰  
來歸聞早着紫禁要渠登

題張興伯主簿經訓堂

范家尚有釜生魚，張家無魚釜也。無屠沽兒，亦莫笑渠渠。有至富，汝不如一翁。  
凍吟擁竹爐，諸郎映雪夜讀書。山鬼來聽鶴，驚起萬壑無人。霽月孤，不論取官。  
大門閭，如是經訓爲蓄畬。父子每腹百斛珠，出門掩鼻馬牛裾。

馬郎中母蔣夫人挽章

文物餘三逕，芝蘭秀五常。魚軒來粉署，象服去黃堂。此母今誰似，清名死不亡。  
一生令吏部，廢却蓼莪章。

送韓子雲檢正將漕江東二首

宰士仍名士，詩人更德人。還家桐樹古，攬轡繡衣新。不以髯邊雪，而忘句裏春。  
登庸衣鉢在，得戀大江濱。

名下得佳句，夢中哦半生。未逢心已契，相見眼偏明。復此忽忽別，愴然惘惘情。  
非關風外樹，儂自作離聲。

甲午送陳行之寺丞出守南劍二首

甫爾丞農扈翩然牧劍津諸公誰不相有子幾何人氣節霜餘凜辭章玉樣新  
飛騰可輕料渠亦正青春

我召公先到公歸我亦行三年如夢爾一笑可憐生野店緣山去春風並轡輕  
先愁饒水上話別若爲情

送鄉僧德璘二首

衲子向來元士子詩僧遮莫更禪僧不妨參透諸方得別有宮牆第一層  
湖上諸峯紫翠間三年欲到幾曾閑儂今去處渠知麼不是南山卽北山

別蕭挺之泉州二首

郎署春同宿州麾晚卜鄰出山成底事藉手得斯人名實今無對雲霄早致身  
再逢應互笑誰髮不如銀  
入葉今成九一枝誰敢雙野人應補外賢者亦爲邦夾岸梅臨水孤帆雪湧江  
別愁纔半掬不遣我心降

甲午出知漳州晚發船龍山暮宿桐廬二首

一席清風萬壑雲送將華髮得歸身海潮也怯桐江淨不遣濤頭過富春  
道途奔走不曾安却羨山家住得閑記取還山安住日更忘奔走道途間

上嚴州烏石灘

人語相聞數尺間其如灘惡費人牽已從灘下過灘上却立前船待後船

兩裏問訊張定叟通判西園杏花二首

名杓欽  
夫之第

白白紅紅一樹春晴光炫眼看難真無端昨夜瀟瀟雨細錦全機卸作茵  
梅不嫌疎杏要繁主人何忍折令殘也知雨意將無惡爲勒芳菲故故寒

攜家小歇嚴州建德縣簿廳曉起

不堪久客只思歸曉起巡簷強撚髭偶聽梅梢啼一鳥舉頭立看獨多時

題嚴州新堂

郡圃舊亭面東了無所見太守曹仲本撤材易地爲堂買地以廣之正  
對南山經始小築覺江山輻輳因得長句

新堂略有次第否忙裏從公一來觀是時新收舊雨亭小風吹花掠巾屨江山



只道不解語云何惠然堂上聚北山故挽南山住東溪不遣西溪去向來天藏在何處遭公拈出天不拒舊亭不為山作主背山起樓何以故更煩好手鏟東阜放出釣臺寸來許

和馮倅投贈韻二首

名頥字子長

先生彈鋏凍吟詩此豈求他一世知只怨送窮窮不去元來却不怨工詩

繭紙松煤細作行兩詩字字可珍藏書生伎倆成何事只博虛名萬古香

積雨小霽暮立捲舒亭前二首

報晴底用暮寒為薄薄春衫橫見欺似有如無風細甚柳絲無賴恰先知

淡紫斜陽嫩碧天一春今夕始開顏看山歸來偶忘却月到西廊第二間

虞丞相挽詞三首

負荷偏宜重經綸別有源雪山真將相赤壁再乾坤奄忽人千古淒涼月一痕

世無生仲達好手未須論

保頭方為左希文自請西不勞三尺劍已辦一丸泥已矣歸黃壤傷哉夢白雞

清風誰作誦何石不天齊

一老堂堂日諸賢得得來但令元氣壯患不塞塵開名大天難着人亡首忍回  
東風好西去吹淚到泉臺

南溪山居秋日睡起

客至從嗔不着冠起來信手攬書看小蜂得計欺儂睡偷飲晴牕硯滴乾

秋夕書懷

老去還多感歸來政倦遊數峯愁外月一葉靜邊秋偶憶平生事真供獨笑休  
燈花吾會得村酒恰當筓

秋暑二首

一年強半走塵埃觸熱還山亦快哉幸自西風歸較早却教秋暑伴將來  
追涼能到竹溪無隔水斜陽未肯晡騰暑不蒙蕉扇扇細雲聊倩月梳梳

觀稼

三年再旱獨堪聞一熟諸村稍作欣老子朝朝弄田水眼看翠浪作黃雲

感秋

舊不愁秋只愛秋風中吹笛月中樓如今秋色渾如舊欲不悲秋不自由

送翁志道

平生翁子妙談天惟愛青山不愛官一笑同看巖下井秋來能更起微瀾

表弟周明道工于傳神而山水亦佳久別來訪贈以絕句

筆端人物更江山外弟周郎兩不難可把吳淞半江水博他頭上進賢冠

儂家有軸郭熙山墮在冰溪雪嶺間有弟新來眼如月爲儂洗手拾來看

送彭元忠司戶二首

觸熱能相訪言歸有底忙百聞纔半面一別又三湘詩入江西社心傳肘後方

木天須此士丹筆校官黃

浯石高仍瘦愚溪紺且寒憑君聊杖屨道我問平安句好今逾進書來賸寄看

只言官舍小簷下過湘灘

乙未和楊謹仲教授春興

歸歟還復換年芳不分官梅惱石腸黃帽正堪供短棹白頭可更獻長楊忽逢社裏催搜句安得花邊對舉觴天上含香有知己彈冠端復爲王陽

寄廣東提刑林謙之司業

秉節星槎下九天祝融海若讓雲煙故人一別還三歲新句如今更幾篇憶昨侍班南內否論詩看雪未央前夢中若箇韶州路庾嶺梅花正可憐

送子上弟之石井

吾生苦終鮮四海皆弟兄四海尙如許而況吾宗盟君年甫弱冠已有雋異聲作賦擬三都著論追過秦平生一瓣香何曾舉似人子上與濟翁真若吾同生我窮無人共二子慰眼明濟翁往荊州君作石井行一老便落寞有話從誰評懷哉懷哉勿懷哉重陳呼酒且細傾

雨中送客

閑人也解有忙時送客誰令作許癡一夜黑風吹白雪昨朝紫陌總黃泥

送客夜歸呈蕭岳英縣丞

名許本里人

並舍頻過亦幾曾却因送客得同行風船逆水四十里雪屋吹燈三二更老去  
病身禁底苦向來危宦若爲情天台香火儂當覓且伴先生學養生

二月望日

梅棠着意喚詩愁桃李纔開又落休小雨輕風春一半去年今日在嚴州

醉筆呈尙長道

晚風一雨生新漲只送仙槎到天上十年相別一相逢和氣春風談笑中如今  
耆舊晨星似猶及先生說遺事舌端往往疏九河只有賸浪無欠波漢渠周柱  
幾青竹却在先生一泓腹諸公道是今乏才如何此士尙塵埃此行青鎖更黃  
閣拭目孤鴻徑寥廓能念南溪病客無風來肯寄半行書

尙長道十年離索杯酒話舊憮然若隔世醉筆無律令亦情之至也淳熙乙  
未四月十四日

初夏三絕句

麥黃秧碧百家衣已熟猶寒四月時雨後覓春無一寸薔薇花發醜臙脂

手種琅玕劣十年今年新筍不勝繁不知明早添多少日暮閑來數一番  
竹間露重午方乾松裏雲深夏亦寒只道一溪無十里爲誰百屈更千盤

行圃

薤本新痕割復齊豆苗初葉合仍離鶯聲正好還飛去不爲詩人更許時

看筍六言

筍如滕薛爭長竹似夷齊獨清只愛錦綉滿地暗林忽雨三莖

農家六言

插秧已蓋田面疎苗猶逗水光白鷗飛處極浦黃犢歸時夕陽

山居

鬢禿猶云少書多却道窮柴門疎竹處茅屋萬山中幽夢時能憶閑題底要工  
不知蟬報夏爲復自吟風

有歎

老來無面見毛錐猶把閑愁付小詩若道愁多頭易白鷺鷥從小鬢成絲

梅熟小雨

風從獨樹忽然來，雨去前山遠却回。  
留許枝間慰愁眼，兒童抵死打黃梅。

書王右丞詩後

晚因子厚識淵明，早學蘇州得右丞。  
忽夢少陵談句法，勸參庾信謁陰鏗。

飯罷登山

樹遠通鶯響，花晴帶雨痕。  
登山偶回首，隔水見前村。  
澹往孤無伴，清歸笑不言。  
還家更遲着，松菊未應存。

待次臨漳諸公薦之易地毗陵自愧無濟劇才上章丐祠

亦豈真辭祿，誰令自不才。  
更須三釜戀，未放兩眉開。  
道我今貧却，何朝不飯來。  
商量若爲可，杜宇一聲催。

梔子花

樹恰人來短，花將雪樣看。  
孤姿妍外淨，幽馥暑中寒。  
有朵蓂餅子，無風忽鼻端。  
如何山谷老，只爲賦山礬。

謝傅宣州安道郎中送宣城筆

忽驚騎吏扣柴荆，厚辱移書訪死生。  
今日猶遲傅巖雨，前身端是謝宣城。  
解包兔穎霜盈把，試墨山泉月一泓。  
老裏苦吟翻作拙，撚鬚枉斷兩三莖。

病瘡無聊

病身兀兀意昏昏，急掛東窗避夕曛。  
坐看雲生還有雨，忽然雨止併無雲。

秋興

宿有青霞願，惟應白鷺知。  
風煙聊晚望，山水入秋宜。  
老裏還多病，貧中却賸詩。  
浪愁餘熱在，會自有涼時。

中秋與諸子果飲

幾年今夕一番逢，千古何人此興同。  
酒入銀河波底月，笛吹玉桂樹梢風。  
莫言秋色無多巧，淨洗清光也費工。  
老子病來渾不飲，如何頻報綠尊空。

挽鄒彥明

野渡無冰涉荒民，不木飢橋橫侍郎。  
記墓立舍人碑，自古誰無死，何人沒後思。



淙淙富川水便是挽歌詞

探梅偶李判官餽熊掌

小摘梅花簪玉壺旋糟熊掌削瓊膚燈前雪裏新醅熟放却先生不醉無  
醉後撚梅花近壁以燈照之宛然如墨梅

老子年來畫入神鑿空幻出墨梅春壁爲玉板燈爲筆整整斜斜樣樣新

釣雪舟倦睡

予作一小齋狀如舟名以釣雪舟予讀書其間倦睡忽一風入戶撩瓶  
底梅花極香驚覺得絕句

小閣明牕半掩門看書作睡正昏昏無端却被梅花惱特地吹香破夢魂

晚步南溪弄水

吾廬在南溪溪北北山半山空誰肯隣影靜鶴爲伴萬松當籬落千巖上几案  
花草豈厭多不多亦堪玩一邱萬事足半點無外羨如何濯雙纓獨欠泉一眼  
晚晴漫野步偶到溪側畔頗怪清淺流雪後劣如線相將二三子一笑出奇觀

瓊砂雜瑤礫掇拾作微堰鏘然便淙琤清若奏琴阮當流立孤石灑瀨忽童丱  
不塞勢何怒惟激聲故遠從今日日來愁肺要湔浣兒童俾勿壞鷗鷺好收管  
醉眠夜聞霜風甚緊起坐達旦二首

玉酒醺人底易醒月低梅影恰三更只嫌老眼清無睡不道松聲聽到明  
雪花旋落旋成融橫作清霜陣陣風一夜急吹君會否妬他殘葉戀丹楓

霜夜望月

人靜蛩喧天欲霜不眠獨自步風廊間看月走仍雲走知是雲忙復月忙

餅中梅花長句

幽人蚤作月滿堦月隨幽人登舫齋推門欲開猶未開猛香排門撲我懷徑從  
鼻孔上灌頂拂拂吹盡髮底埃恍然墮我衆香國欲問何津無處覓冥搜一室  
一物無餅裏一枝梅的皜平生爲梅判斷腸何曾知渠有許香夜來偶忘掛南  
牕貯此幽馥萬斛強却憶去年西湖上錦屏下瞰千青嶂谷深梅盛一萬株千  
頃雪波浮欲漲是時雨後初開前日光烘花香作煙政如新火炷博山烝出沉

水和龍涎醉登絕頂撼疎影掇葢飡花照冰井蜀人老張同舍郎喚作謫仙儂

笑領

去年今月予既得麾臨漳朝士錢予高會于西湖上劉寺滿谷皆梅花一望無際絕頂有亭榜曰錦屏予獨倚一株老梅摘花嚼之同舍張監簿蜀

人名珣字君玉笑謂予曰韻勝如許謂非謫仙可乎如今茅屋臥山村更無載酒來扣門一尊孤斟懶論

文猶有梅花是故人

夜坐以白糖嚼梅花

剪雪作梅只堪嗅點密如霜新可口一花自可嚙一杯嚼盡寒花幾杯酒先生

清貧似飢蚊饞涎流到瘦脰根贛江壓糖白于玉好伴梅花聊當肉

楊文節公詩集卷之七

楊文節公詩集卷之八

宋吉水楊萬里廷秀甫譔

長陽後學彭

淑秋潭甫校訂

古筠後學陳

霖雨亭甫同校

江湖集

釣雪舟中霜夜望月

溪邊小立苦待月月知人意偏遲出歸來閉戶悶不看忽然飛上千峯端却登  
釣雪聊一望冰輪正挂松梢上詩人愛月愛中秋有人問儂儂掉頭一年月色  
只臘裏雪汁揩磨霜水洗入荒萬里一青天碧潭浮出白玉盤更約梅花作渠  
伴中秋不是欠此段

幽居三詠

釣雪舟

青鞋黃帽綠蓑衣釣雪舟中雪正飛歸自嚴州無一物扁舟載得釣臺歸

雲臥菴

十年兩袖軟紅塵歸濯滄浪且幅巾不是白雲留我住我留雲住臥閑身

誠齋

浯溪見了紫巖回獨笑春風儘放懷謾向世人談昨夢便來喚我作誠齋

寄題更好軒二首

經邱尋壑恰忙時更有工夫到得詩正用此時索詩債素兄青士若爲癡  
無梅有竹竹無朋無竹有梅梅獨醒雪裏霜中兩清絕梅花白白竹青青

郡中送春盤

餅如繭紙不可風菜如縹茸劣可縫韭芽捲黃苣舒紫蘆菹削冰寒脫齒臥沙  
壓玉割紅香部署五珍訪詩腸野人未見新曆日忽得春盤還太息新年五十  
奈老何霜鬚看鏡幾許多麴生嗔人不解事且爲春盤作春醉

臘裏立春蜂蝶輩出

嫩日催青出凍荄小風吹白落疎梅殘冬未放春交割早有黃蜂紫蝶來

梅花下小飲

今年春在臘前回怪底空山早見梅數點有情吹面過一花無賴背人開爲攜  
竹葉澆瓊樹旋折冰葩浸玉杯近節雨晴誰料得明朝無興也重來

梅花落盡有感

五樹梅花一樹遲花遲花早總離披春風只解吹梅落不爲愁人染鬢絲

丙申歲朝

椒盤又頌一年初多拜猶欣未要扶山色長供青籜笠春光不爲白髭鬚仙家  
風土閑中是歲後鷲花較早無人事馳驅不須嘆倦來添得睡工夫

與劉景明晚步

行盡南溪溪北涯李花看了看桃花歸來倦臥呼童子旋煮山泉瀹建茶

贈劉景明來訪

研席相從昔少年白頭誰信兩蒼然來從八桂三湘外憶折雙松十載前告我  
明朝還又別對床終夕不成眠交游存沒休休說且爲梅花嚼玉船

曉看牡丹呈彭仲莊

牡丹新植舊來無早起看花花更蘇  
晴翠滿空天政曉暖紅蒸霧汗成珠  
絕憐嫩日偏催老猶喜輕春爲給扶  
來歲一株應百朵只今紫笋繞根鬚

和彭仲莊對牡丹止酒二首

病身無伴臥空山石友相從慰眼寒  
呼酒撚花談舊事牡丹匹似夢中看  
老裏心情客裏懷逢花不飲若爲開  
虛名身後真何用更判生前酒一杯

暮春小雨

宿酒微醒尙小醺似癡如病不多欣  
深深池沼輕輕雨獨倚欄杆看水紋

夏日絕句

不但春妍夏亦佳隨緣花草是生涯  
鹿葱解插纖長柄金鳳仍開最小花

小池

泉眼無聲惜細流樹陰照水愛晴柔  
小荷纔露尖尖角早有蜻蜓立上頭

題左正卿壽慈堂

萬事絲窠黏露珠奉親最樂天下無  
邱明遠孫千里駒有母七十髮漆如雪底

筍生冰底魚人間無覓天賜渠三更月落堂西隅母自挑燈兒讀書去年生日不用扶今年生日健過初冰桃碧藕脆如酥一觴千歲母子俱

挽謝母安人胡氏

玉樹仍雙桂金花不一書雪封青竹筍露失白藤輿天下誰無母江西未有渠西峯半輪月松檟政扶疎

雨霽幽興寄張欽夫

大官有重荷豐廩無薄憂草茹我豈腴飽亦與彼侔積雨久自霽曙光清以幽欣然出荆扉不出旬已周初意欲看竹信步偶臨流北驚失故岸東見生新洲懷哉古與今與此豈不猶歸來翻不樂隱几到昔遊平生忘年友草草相應酬暫夢不多款喚人苦鳴鳩山林本無事亦復擾擾休

題劉伯山蕃殖圖二首

畫禾黍稷菽麥

老子平生只荷鋤誤攜破硯到清都歸來荒盡西疇却愧見劉家蕃殖圖

黃雲翠菽雜玄珠上熟今年不負渠說似田家早收拾一番風雨一番疎



極暑題釣雪舟

暑中北閣望南牕將謂南牕分外涼到得南牕還更熱芙蓉和藥落幽香

讀書

讀書不厭勤勤甚倦且昏不如卷書坐人書兩忘言興來忽開卷徑到百聖源  
說悟本無悟談玄初未玄當其會心處只有一欣然此樂誰爲者非我亦非天  
自笑終未是撥書枕頭邊

六月二十三日立秋

暑中賸喜立秋初特地西風半點無旋汲井花澆睡眼灑將荷葉看跳珠

聽雨

歸舟昔歲宿巖陵雨打疎篷聽到明昨夜茅簷疎雨作夢中喚作打篷聲

中秋前二夕釣雪舟中靜坐二首

月到南牕小半扉無生始覺室生輝人間何處冰壺是身在冰壺却道非  
去歲中秋正病餘愛他月色強支吾今年老矣差無病後夜中秋有月無

中秋無月既望月甚佳

中秋無月莫尤天月入秋來夜夜妍且道今宵明月色何曾減却半分圓  
月到中秋故故無今宵月好莫渠孤舊傳月徑圓千里影落金杯只粒珠

晚興

雙井茶芽醒骨甜蓬萊香燼倦人添蜘蛛正苦空庭闢風爲將絲度別簷

約劉彥純會建安寺

解后何時可平章後月涼前期來一夕古寺作重陽白酒多多載黃花急急香  
遣詩愁已遣何況更連床

送客山行

嶺雲爲作小涼天山店重來憶去年獨樹丹楓誰不見何須更立萬松前

秋月

夜氣涼于水高齋可當樓古來除却月此外更無秋寒入蘭心勁光隨菊脚流  
惟愁清不極清極却成愁

夜雨

歲晚能無感詩成只獨哦螢光寒欲淡秋雨暮偏多伴老貧無恙留愁酒肯麼  
吟蟲將落葉爲我拍還歌

秋雨數十解

雨入秋宵滴到明不知有意復無情若言不攪愁人夢爲許千萬萬聲  
霖霖滴滴未休休不解教儂不白頭却把窮愁比秋雨猶應秋雨少于愁  
濕侵團扇不能輕冷逼孤燈分外明蕉葉半黃荷葉碧兩家秋雨一家聲  
厭聽點滴井邊桐起看空濛一望中橫着東山三十里真珠簾外翠屏風  
籬下黃花最恨他金鈿香少淚痕多仙人解補銀河漏天上無泥奈許何  
老子愁來只苦吟一吟一嘆爲秋霖居人只道秋霖苦不道行人泥更深  
晝落無聲夜有聲只堪醉聽不堪醒簷牙半點能多少滴入苔堦一寸青  
曉起窮忙作麼生雨中安否問秋英枯荷倒盡饒渠着滴損蘭花太薄情  
似霧如塵有却無須臾密密復疎疎忽忘九月清霜曉喚作濛濛二月初

不是簷聲不放眠，只將愁思壓衰年。他滴瀝渾無賴，不到侯門舞袖邊。

寄題劉直卿冰壺二首

外看積翠玉千峯，中有清池月半弓。更拓長堤三十里，剩栽楊柳與芙蓉。  
壺裏清冰冰裏人，箇邊無地可留塵。何時去弄池中月，照我星星白髮新。

寄題王國華環秀樓二首

近山遠岫不知重，暖翠晴嵐只滿空。珍重主人將好手，盡驅秀色入樓中。  
平地看山山絕低，上樓山色逐層奇。不知山與樓爭長，爲復樓隨山脚移。

贈尙長道僉判

今代高人尙子平，風流文采舊家聲。合于玉筍班中立，却向紅蓮幕裏行。天色  
惱人，渾欲雪燭花。照別若爲情。日邊已辦除書着，莫戀南樓秋月明。

贈尙獻之

老鳳蒼然姿，雛鳳鏘然鳴。一見渠父子，令人英氣生。大尙傲一世，不肯揖公卿。  
小尙刷羽毛，勢欲追風鵬。吾州八千士，下筆雷雹聲。小尙灑墨汁，一笑萬人驚。

姓名登天府紙價高帝城最哉更磨勵制勝在此行相遭又相別勿作兒女情  
舟行得秀句寄我增雙明

題陳叔虎繡梅花扇

指下生寒影針端卽化工冰痕將雪點不受燭光融

和彭仲莊七言

向來年少今老翁隨身不去只有窮請君與我共看鏡豈復平生冰雪容秋霖  
暗天瘦日色滿撥黃花當朝食何人裹飯問子桑窮裏逢君自爲客空山凍吟  
只自奇故人之外誰相知今年相從豈不好安得到老長追隨喜君詩思未渠  
薄秋後花鷹兔邊落慚我短才澀欲無霜餘冰澗流還涸君游宣溪何日來愁  
城封閉待君開定知此行脫寒谷領取陽春一并回

胡季永挽詞二首

澹菴潛聖學未許外人傳門裏存衣鉢吟邊可管絃浣花宗武轡儋耳小坡船  
綠鬢成黃壤從今更問天

憶昨官都下同時寄客間相從湖上寺覽遍浙西山駿足應千里彪文未一班  
霜風吹病眼老淚爲渠潸

送徐吉水解組還朝

我住南溪溪北涯閉門草長不曾開風牕只怪燈花喜雪徑傳呼縣尹來道是  
朝廷舉廉吏如何江海尙遺才西樞東觀俱知己拜了除書却探梅

寄題蕭民望扶疎堂二首

不栽繁杏試晴紅不種垂楊拂暖茸堂下生涯無一物月中修竹雪中松  
株松箇竹已奇奇那更扶疎蔭碧漪喚醒淵明千載夢正緣瀘水一篇詩

送奔醫時亨往攸縣省親

雪恰來時子恰行白雲飛過雙眼明阿母幾年不相見阿兄喚渠來作伴探囊  
半粒黃金丹湘南小兒開病顏江西南奔留不住并被湘南奪將去

晚步

半疋輕煙束翠山一梳寒月印青天生憎野燒無端甚直上高林杳靄邊

燈下讀山谷詩

天下無雙雙井黃遺編猶作舊時香百年人物今安在千載功名紙半張使我詩篇如許好關人身事亦何嘗地爐火暖燈花喜且只移家住醉鄉

題劉直卿崇蘭軒

風亦何須過林仍不厭深莫將春色眼來看歲寒心正坐香通國端令佩滿襟楚人更饒舌得免世間尋

寄題朱景元直節軒二首

見說幽居似渭川一川修竹雪霜寒如何翦得蒼蒼玉乞與誠齋作釣竿月到梢頭十倍明風來葉底百分清儘言直節無人會歲晚君看太瘦生

和同年梁韶州寺丞次張寄詩韻

故人一別恰三年誰與論詩更說禪忽報一麾官嶺外寄來七字雪梅前人推南內班行舊語帶西湖山水鮮安得對床吟至曉旋烹山茗試溪泉

送永新杜宰解印還朝

去年謫仙初弄兵，永新縣前戈劍腥。杜侯不持一寸鐵，閉閣堅臥民不驚。軍前米作山谷聚，木牛流馬安用許。但令綠林無點塵，何須爛額畫麒麟。紫皇急才宵不寐，斯人合着班行裏。速騎疋馬謁明光，夜來溪風吹玉霜。

探梅

山間幽步不勝奇，政是深寒淺暮時。一樹梅花開一朵，惱人偏在最高枝。

霜夜

月影全無只有星，如何夜色照人清。素娥未必饒青女，不道霜明勝月明。

月下梅花

天恐梅花不耐寒，遣將孤月問平安。未須一夜都開盡，留取前前後後看。

訪周仲覺夜宿南嶺，月色燦然，曉起路濕，聞有夜雨。

夜晴那得曉來泥，纔見金鉦浴紺池。一陣五更松上雨，元來睡着不曾知。

過西坑

乾風無奈濕雲何，吹不能開只助他。野水落溪生蟹眼，一番過了一番多。



觀陂水

波緩漚遲似讓行忽然赴壑怒還生東歸到底誰先後何用爭流作許聲

劉村渡二首

隔岸輕舟不可呼小橋獨木有如無落松滿地金釵瘦遠樹黏天菌子孤  
曠野風從脚底生遠峯頂與額般平何人知道誠齋叟獨着駝裘破雨行

晚歸遇雨

略略煙痕草許低初初雨影傘先知溪回谷轉愁無路忽有梅花一兩枝

和閩漕傅安道郎中送毛平仲詩韻寄謝惠書及詩

宣城訊後忽年餘閩水風來又歲除人品只今推正始詩聲何止過黃初豈無  
天上同朝友不寄山中半紙書珍重故人多問我鬢毛半脫齒全疎

丁酉初春和張欽夫榕溪閣五言

榕影下照水翠蛟舒復繆溪光逆昇簷朱夏凍以幽高閣昔雨荒奇觀久風休  
南軒天遣來山谷神與謀宇新址惟舊景逝人爲留不意猿飲潭復見駟駕軒

先生何孤往野客欠從游願攜龍文璧去淪兔褐甌垂手掬寒泚移床聽涼颺  
閣洵詩更超古往今亦猶攬渠五字妙覺我百疾瘳出山未遽誤在山未遽優  
如何近來夢夜夜在釣舟

曾達臣挽詞二首

珠凍蘭溪水冰封玉笥山是翁原不死蛻骨此中間書畫今存否儀刑杳莫攀  
端令郡博士陟岵淚斑斑  
議論千千古胸懷一一奇非關時棄我不肯我干時老鶴雲間意長松雪外姿  
平生獨知命冷眼看人癡

題劉景明百牛圖扇面

言語聞田父新年勝故年借儂百叢棘雨裏破荒田

題劉景明百馬圖扇面

霧鬣如無筆霜蹄不帶埃直言明眼着若箇是龍煤

題鄧國材水墨寒林

人間那得箇山川船上漁郎便是仙  
遠嶺外頭江盡處問渠何許洞中天

春寒絕句

幾絲微雨嘆前山半點輕寒健牡丹  
只道一春晴較少到他晴了是春殘

雨中醑醺

翡翠堆頭亂不梳梅花腦子簪肌膚  
夜來急雨原無事曉起看花一片無

晚春卽事

尺許新條長杏栽丈餘班筍出牆隈  
浪愁草草醑醺過不道婷婷芍藥來  
樹頭吹得葉冥冥三日顛風不小停  
只是向來枯樹子知他那得許多青

寄題鄒虞卿觀仙閣

仙山去天纔一握與山相高鄒氏閣  
月波吹面寒欲冰斗柄挂簷危不落  
葉懸雙鳧那復飛緱山一鶴何時歸  
玉仙肯來閣上否共絲麟脯傾天酒

入城

杜鵑有底怨春歸燕子無端貼水飛  
不種自紅仍自白野醑醺壓野薔薇

永和放船二首

永和不到又經秋  
淡日微風好放舟  
最是可憐江上路  
人來人去幾時休  
瀕江樓閣祇遙看  
却恐登臨不足觀  
已是老來無眼力  
更供兩岸萬峯寒

楊文節公詩集卷之八



荆溪集自序

予之詩始學江西諸君子既又學后山五字律既又學半山老人七字絕句晚乃學絕句于唐人學之愈力作之愈寡嘗與林謙之屢歎之謙之云擇之之精得之之難又欲作之之不寡乎予喟曰詩人蓋異病而同源也獨予哉故自淳熙丁酉之春上暨壬午止有詩五百八十二首其寡蓋如此其夏之官荆溪既抵官下閱訟牒理邦賦惟朱墨之爲親詩意時往日來于予懷欲作未暇也戊戌三朝時節賜告少公事是日卽作詩忽若有悟于是辭謝唐人及王陳江西諸君子皆不敢學而後欣如也試令兒輩操筆予口占數首則瀏瀏焉無復前日之軋軋矣自此每過午吏散庭空卽攜一便面步後園登古城採擷杞菊攀翻花竹萬象畢來獻予詩材蓋麾之不去前者未膺而後者已迫渙然未覺作詩之難也蓋詩人之病去體將有日矣方是時不惟未覺作詩之難亦未覺作州之難也明年二月晦代者至予合符而去試彙其藁凡十有四月而得詩四百九十二首予亦未敢出以示人也今年備官公府掾故人鍾君將之自淮水

移書于子曰荆溪比易守前日作州之無州者今難十倍不啻子荆溪之詩未  
可以出歟予一笑抄以寄之云淳熙丁未四月三日序

日之博厚矣自於學勵于或嬉或空嗚呼一雙面也若問登古疑辨辨以深  
請學于皆不嫌學而對以成世始令良輩辨于口古樓首限風飄流於前  
為三陣和指與寺心公事長日唱詩和感善亦對于長補補想入元王刺以西  
亦言不關情對野疾難對求墨之為味補意補日來于于對始於未即出丸  
強丁國之春上登王于十五百補五百八十二首其真蓋喚出其夏之官隸怨  
對之文敏又始非文之不棄于即白籍入蓋是學而同感世而亦始知自取  
以學始而于專人學之愈大其之愈其書與林結之其漢之結之元對之之結  
于之結故學以西情意平補又學以山五字對酒又學半山宋人十字然何

楊文節公荆溪詩集目錄

卷九

丁酉四月十日之官毗陵舟行阻風宿欄陂江口二首

舟次西徑

餘干泝流至安仁

宿小沙溪二首

玉山道中

入常山界

過招賢渡四首

茗溪登舟

舟過德清

舟泊吳江三首

七月十四日雨後毗陵郡圃荷橋上納

涼

暮立荷橋

秋熱追涼池上

秋涼晚步

毗陵郡齋冬至晴寒

蠟梅

登淨遠亭

戊戌正月二日雪作二首

戲題郡齋水墨坐屏二面二首

郡圃小梅一枝先開



戲贈子仁姪

淨遠亭晚望

郡齋梅花

雪夜尋梅

雪霽出城

正月十九日五更詣天慶觀謝雪聞都

下尺雪旬日而毗陵三面微雪而已

雪中看梅

梅花

春夢紛紜

二月一日郡圃尋春二首

梅殘

寒夜不寐

新柳

小飲俎豆頗備江西淮浙之品戲題二首

雨霽

蜜漬梅花

感興

春暖郡圃散策三首

休日登城

淨遠亭午望二首

池亭雙樹梅花

多稼亭前小步

多稼亭宴客

燒香七言

讀嚴子陵傳

題山莊小集

春寒

瓶中梅杏二花

書齋夜坐二首

瑞香花二首

二月十四日梅花

晚飲

二月望日勸農既歸散策郡圃二首

水仙花三首

夜坐

新柳

禱雨報恩寺因到翟園四首

垂絲海棠二首

送羅永年西歸

社雨

讀唐人及半山詩

落梅再著晚花

鑷白

春興

夜窗二首

春曉三首

米囊花二首

曉寒二首

卷十

上巳三首

寒食兩作

垂絲海棠半落

寒食將諸子遊翟園十首

三月十日

清明雨寒八首

題山莊草蟲扇

清明果飲二首

和張侔子儀送鞋紅魏紫崇寧紅醉西施四種牡丹二首

次李侔子壽郡集詩韻

薛舍人母方氏太恭人挽章

櫻桃

雨後行郡圃

多稼亭前兩楹芍藥紅白對開二百朵

小雨

六月喜雨三首

和李子壽通判曾慶祖判院投贈喜雨口號八首

曉登多稼亭三首

六月六日小集二首

雨足曉立郡圃荷橋

登多稼亭曉望

午熱登多稼亭五首

張尉惠詩和韻謝之三首

臥治齋晚坐

憇懷古堂

望雨

聞一二故人相繼而逝感嘆書懷

晚步追涼二首

荷橋暮坐二首

休日晴曉讀書多稼亭

多稼亭上望三山中峯獨秀而低

雨後晚步郡圃二首

曉坐荷橋四首

池亭

臥治齋盆池

凝露堂前紫微花兩株五月盛開九月乃衰二首

暮坐中庭

食蓮子

食鷄頭蓮

暮雨既霽將兒輩登多稼亭

苦熱登多稼亭二首

暮熱遊荷池上五首

月下果飲七首

卷十一

曉坐多稼亭

梳頭有感二首

晚涼散策二首

閏六月立秋後暮熱追涼郡圃二首

靜坐池亭二首

秋暑三首

戲題

曉登水亭

讀元白長慶二集詩

白蓮

瓶中紅白二蓮五首

早起

曉登懷古堂

荷橋

感秋二首

雨後清曉梳頭讀書懷古堂二首

午坐臥治齋

謝丁端叔直閣惠永嘉糝研句容香扇

檜逕曉步二首

謝尤延之提舉郎中自山間惠訪長句

小集食藕極嫩

秋懷

七月既望晚觀菱壕

新涼感興

七月二十五日曉登多稼亭

凝露堂木犀二首

中秋前一夕攜酒與子仁姪登多稼亭

觀蟻二首

中秋無月至十七日曉晴

重九前五日再遊翟園

送子仁姪南歸二首

食老菱有感

醉吟

和丁端叔菊花

懷山莊子仁姪二首

張子儀大社折送秋日海棠二首

曉登淨遠亭二首

黃菊

晚登子城

多稼亭前黃菊

促織

迓使客夜歸四首

城頭秋望二首

生酒歌

夜雨

芭蕉雨

雨中懶困

胡達孝水墨妙絕一世為余作枯松孫枝石間老柏謝以長句

苦吟

晚衙野望

毗陵郭齋追憶鄉味

和張漢直

曉坐臥治齋

行圃

壕上

白髮嘆

紅葉

送蔡定夫提舉正字使廣東

齋房戲題

太平寺壁

水紋二首

一鷺先立池中有雙鷺自外來先立者

逐之雙鷺亟去莫敢敵者

晚風寒林二首

霜夜無睡聞畫角孤鴈二首

飯罷登淨遠亭

晴望

豫章王集大成惠我思古人實獲我心

八詩謝以五字

不寐聽雨

送張元直尉鹽官二首

和胡運幹投贈

夜雨獨覺

夜聞風聲

詠壑

卷十二

鸞醬

池冰二首

節日新晴歸自天慶

城上野步

晴眺

霜曉

晚興

暮寒

酒蛤蜊

蒲桃乾

梨

蠟燭

小立淨遠亭

新晴晚步

探梅

和王司法雨中惠詩二首

惠泉酒熱

晝倦

戲題水墨山水屏

以糟蟹洞庭甘送丁端叔端叔有詩因

和其韻

曉坐



凍蠅

壕上書事

霜

冬至前三日

鴉

朝飯罷登淨遠亭

近節

冬至日歸自天慶觀二首

蠟梅

又蠟梅四絕

霜寒 輓轡體二首

苦寒三首

晚晴獨酌二首

城頭晚步二首

送丁牧仲新除奉常寺簿入朝

贈節推學士

懷古堂前小梅漸開四首

雪中登淨遠亭四首

和趙鼎輔府判投贈賀雪之句

觀雪二首

和吳寺丞喜雪

雪晴

晴後雪凍

和丁端叔喜雪

雪凍未解散策郡圃

雪後十日日暄雪猶未融

殘雪

多稼亭日色甚暖忽有雪數片自晴空

而下已而復無

兒啼索飯

寒雀

晚眺

雪夜候迎使客

燭下梅花二首

燭下瓶中江蠟二梅

使客不至夜歸獨酌

謝趙行之惠霜柿

謝葉叔羽總領惠雙淮白二首

詠酥

送客歸登淨遠亭二首

和范至能參政寄二絕

臥治齋夜坐

十一月二十八日雪至十二月十一日色方暖積雪始融

糲子弄冰

寄題石湖先生范至能參政石湖精舍

和丁端叔歲晚書懷

郡圃殘雪三首

月夜觀雪三首

雪晴窗開展唐詩得一片桃花悵然賦

之

梅露堂燕客夜歸

城壕冰泮

櫻桃煎

珍做宋版印

卷十三

郡圃雪霽便有春意

郡圃雪銷已盡惟餘城陰一街雪

晚望

送客歸至郡圃殘雪銷盡

陳能之少卿殿撰挽詩

梅花數枝蓼兩小瓷瓶雪寒一夜二瓶

凍裂剝出二水精瓶梅花在焉蓋冰結而爲此也

遣人探梅翟園云尙未開

十二月二十一日迎春

己亥正月二日送李伯和提幹歸豫章

正月三日驟暖多稼亭前梅花盛開

春興

歲之二日欲遊翟園以寒風而止

謝陳希顏惠兔粃

初三日遊翟園

多稼亭前兩株梅盛開

戲題所見

梅花下遇小雨

落梅有嘆

郡治燕堂庭中梅花

細雨

水精膽

雨後曉起問訊梅花

壕上感春

觀小兒戲打春牛

謝親戚寄黃雀

牛尾狸

得小兒壽俊家書

書莫讀

春草二首

春陰

小瓶梅花

夜坐二首

燭下和雪折梅

鳩啣枝營巢樹間經月不成而去

鵲營巢既成爲鳩所據

上元前大雪即晴

郡中上元燈減舊例三之二而又迎送使客

郡圃杏花二首

華堂秀才著六經解以長句書其後

上元後猶寒二首

夜觀庭中梅花

春夜孤坐三首

休日城上三首

多稼亭看梅二首

鐳白

東窗梅影上有寒雀往來

瑞香

燒香

看畫常州圖迎新太守

風急落梅

探春

晚晴二首

理髮

晚照

新除廣東常平之節感恩書懷

芥壘

正月將晦繁星滿天

辭滿代者未至

試毗陵周壽墨池樣筆

春寒初晴

柳色

行圃二首

春半聞歸雁

毗陵辭滿出舍添倅廳

寓倅廳寒夜不寐

春望二首

送醫家孟良漢卿

遊翟園二首

上印有日代者未至

楊文節公荆溪詩集目錄

誠齋詩集  
荆溪集  
目錄

八  
中華書局聚

珍做宋版印

藝文類聚目錄

楊文節公詩集卷之九

宋吉水楊萬里廷秀甫譔

長陽後學彭淑秋潭甫校訂

古筠後學李一球四峯甫同校

荆溪集

丁酉四月十日之官毗陵舟行阻風宿柵陂江口

蟲聲兩岸不堪聞把燭銷愁且一尊誰宿此船愁似我船蓬猶帶燭煙痕  
十里江行一日程出山似被北風嗔東窗水影西窗月併照船中不睡人

舟次西徑

夜來徐汜伴鷗眠西徑晨炊小泊船蘆荻漸多人漸少鄱陽湖尾水如天  
餘干沂流至安仁

半篙新漲滿帆風兩岸千山一抹中慚媿權郎能袖手若非袖手更無功

宿小沙溪

樹綴山煙補缺雲風搖花雨作香塵綠楊儘道無情着何苦垂條拂路人



諸峯知我厭泥行捲盡癡雲放嫩晴不分竹梢含宿雨時將殘點滴寒聲

玉山道中

村北村南水響齊巷頭巷尾樹陰低青山自負無塵色盡日殷勤照碧溪

入常山界

老隨千騎赴毗陵騎吏朝來有喜聲未到常山三十里此身已在浙中行

過招賢渡四首

余昔歲歸舟經此水涸舟膠旅情甚惡

歸舟曾被此灘留說着招賢夢亦愁五月雪飛人不信一來灘下看濤頭  
一江故作兩江分立殺呼船隔岸人柳上青蟲寧許劣垂絲到地却回身  
倦游客子自無聊不是江山景不饒危岸崩沙新改路斷渠橫石自成橋  
岸上行人莫嘆勞長年三老政呼號也知灘惡船難上仰踏桅竿臥着篙

茗溪登舟

深於池沼淺於河動地風來也不波只道東來行役苦胡床面面是菱荷

舟過德清

人家兩岸柳陰邊，出得門來便入船。不是全無最佳處，何窗何戶不清妍。

舟泊吳江三首

獨立吳江第四橋，橋南橋北渺銀濤。此身真在吳江裏，不用并州快剪刀。  
江湖便是老生涯，佳處何妨且泊家。自汲松江橋下水，垂虹亭上試新茶。  
東是吳江西太湖，長橋橫截萬尋餘。江妃舞倦凌波韞，玉帶圍腰攬鏡初。  
七月十四日雨後毗陵郡圃荷橋上納涼

荷葉迎風聽荷花，過雨看移床橋上坐。墮我鏡中寒。

暮立荷橋

欲問紅蕖幾荅開，忽驚浴罷夕陽催。也知今夕來差晚，猶勝窮忙不到來。

秋熱追涼池上

圃迴人全寂，池清慮自消。萍根微著水，荷葉欲穿橋。今歲知何故，秋陽爾許驕。  
追涼猶有處，此老未無聊。

秋涼晚步

秋氣堪悲未必然，輕寒政是可人天。  
綠池落盡紅蕖，却荷葉猶開最小錢。

毗陵郡齋冬至晴寒

竹屋消殘半瓦霜，冰河凍裂一漁航。  
不須宮線量曦影，化日今年特地長。

蠟梅

天向梅梢別出奇，國香未許世人知。  
殷勤滴蠟緘封却，偷被霜風折一枝。

登淨遠亭

池冰受日未全開，旋旋波痕百皺來。  
野鴨被人驚得慣，作羣飛去却飛回。

戊戌正月二日雪作二首

雪與新春作伴回，擣霜爲片霰爲埃。  
只愁雪虐梅無奈，不道梅花領雪來。  
夢回紙帳怪生寒，童子傳呼雪作團。  
已被曉風融作水，頭巾不裹起來看。

戲題郡齋水墨座屏二面

兩客呼船一急行，樹林半落半猶青。  
諸峯最是中峯好，我欲峯頭築小亭。

荆溪四面四無山不是荒林卽野田忽有石崖天半出飛泉落處稍人煙  
郡圃小梅一枝先開

小窠梅樹太尖新先爲東風覓得春後日千株空玉雪如今一朵許精神

戲贈子仁姪

小阮新來覓句忙自攜破硯汲寒江天公念子抄詩苦借與朝陽小半窗

淨遠亭晚望

鷓鴣嬌紅野鴨青爲人浮沒爲人鳴忽聞風起仍波起乃是飛聲與落聲

郡齋梅花

月朵千痕雪半梢便無雪月更飄蕭不應臘尾春頭裏兩歲風光一併饒

雪夜尋梅

去年看梅南溪北月作主人梅作客今年看梅荆溪西玉爲風骨雪爲衣臘前  
欲雪竟未雪梅花不慣人間熱橫枝憔悴宛晴埃端令羞面不肯開縞裙夜訴  
玉皇殿乞得天花來作伴三更滕六駕海神先遣東風吹玉塵梅仙曉沐銀浦

水冰膚別放瑤林春詩人莫作雪前看雪後精神添一半

雪霽出城

梅於雪後較多花草亦晴初忽幾芽河凍落痕餘一寸殘冰擱在柳根沙

正月十九日五更詣天慶觀謝雪聞都下尺雪旬日而毗陵三面微雪而

已

元宵風物又闌殘閉閣何曾出一看尙覺燭光欺病眼旋添衣著試春寒中都尺雪逾旬許此地飛花逐片乾不待珠宮香火了海風吹上紫金盤

雪中看梅

犯雪尋梅雪滿衣池邊梅映竹邊池要尋疎影橫斜底揀盡南枝與北枝

梅花

花早春何力香寒曉儘吹月搖橫水影雪帶入瓶枝

春夢紛紜

燭花半作紫芝開詩興頻遭白雨催只有睡時愁可遣春愁又向夢中來

二月一日郡圃尋春二首

中和節裏半春天一拂清寒半點暄  
憔悴不勝梅欲落嬌嬈無對杏初繁  
花遶朱簷柳遶欄小亭面面錦團圓  
春風橫欲欺詩瘦且下東窗護嫩寒

梅殘

雪已都消去梅能小住無雀爭飛  
落片蜂獵未薦鬚

寒夜不寐

雪入迎春鬢茶醒學古胸夢回霜滿屋  
吟到月斜鐘

新柳

壽仁子與羅永年同試南宮還郡因談西湖柳色已佳而郡圃方芽

輦路金絲半欲垂外間玉爪未渠開  
一林柳色休多憶更趁春風看一回  
小飲俎豆頗備江西淮浙之品戲題

滿盤山海眩芳珍未借前籌已噉津  
鬢醬子魚總佳客玉狸黃雀是鄉人  
味含霜氣洞庭柑鮓帶桃花楚水蠟  
春暖着人君會否不教淮白過江南

雨霽

雨爲梅花遣盡塵柳勾日影自傳神不須苦問春多少暖幕晴簾總是春

蜜漬梅花

甕澄雪水釀春寒蜜點梅花帶露餐句裏略無煙火氣更教誰上少陵壇

感興

看書已怯短檠燈覓句猶鏘澗水聲詩瘦近來惟有骨可憐辛苦爲虛名

春暖郡圃散策三首

已覺朝來退袂衣日光風力軟如癡倩誰留許春寒着更放梅花住少時  
萱草行間過履絢杏花影裏散文書秋風遣我疎團扇又被春風遣喚渠  
春禽處處講新聲細草欣欣賀嫩晴曲折遍穿花底路莫令一步作虛行

休日登城

愛他休日更新晴忍却春寒上古城廢壘荒廬無一好春來微徑總堪行

淨遠亭午望二首

城外春光染遠山，池中嫩水漲微瀾。回身小築深簷裏，野鴨雙浮欲近欄。  
竹逕殊疎欠補栽，蘭芽欲吐未全開。初暄乍冷飛猶倦，一蝶新從底處來。

池亭雙樹梅花

開盡梅花半欲殘，兩株晴雪作雙寒。團欒遶樹元無見，只合池亭隔水看。

多稼亭前小步

櫻桃拋過隔牆蒼，芍藥叢抽刺土芽。最是蜜蜂無意思，忍將塵脚踏梅花。

多稼亭宴客

歸來不省醉還醒，只怪譙門打一更。秉燭徑穿梅下過，此身真在雪中行。

燒香七言

琢瓷作鼎碧於水，削銀爲葉輕如紙。不文不武火力勻，閉閣下簾風不起。詩人自炷古龍涎，但令有香不見煙。素馨忽開抹利折，低處龍麝和沉檀。平生飽識山林味，不奈此香殊斌媚。呼兒急取烹木犀，却作書生真富貴。

讀嚴子陵傳



客星何補漢中興空有清風冷似冰早遣阿瞞移九鼎人間何處有巖陵

題山莊小集

子仁姪初學作詩便有可人語數日得五詩予題之以山莊小集云

莫笑山林小集休篇篇字字爽于秋向來楓落吳江冷一句能銷萬古愁

春寒

春寒儘解粟人膚敢傍吾儕酒棧無雨裏杏花如半醉擡頭不起索人扶

瓶中梅杏二花

梅花耿耿冰玉姿杏花淡淡注臙脂兩花相嬌不相下各向春風同索價折來  
雙插一銅瓶旋汲井花澆便醒紅紅白白看不足更遣山童燒蠟燭

書齋夜坐

棊几吹燈丈室虛隔窗雨點響堦除胡床枕手昏昏着臥聽兒童讀漢書  
酒力欺人正作眠夢中得句忽醒然寒生更點當當裏雨在梅花蔌蔌邊

瑞香花

織錦天孫矮作機，紫茸翻出白花枝。  
更將沈水濃薰却，日淡風微欲午時。  
樹如巖桂不勝低，花比素馨幽更奇。  
要作團欒小窠錦，春風不長出叢枝。

二月十四日梅花

雨打知無那，春暄絕不禁。  
小風千點雪，落日一鬚金。  
樹勁春猶瘦，花寒暮更明。  
平生豈無句，此外不須清。

晚飲

旋旋哦詩旋旋抄，一尊野蔌更山肴。  
春風略不扶人醉，月到梅花最末梢。

二月望日勸農既歸散策郡圃

荆溪老守勸農歸，吏散還從郡圃嬉。  
拾得落英纔一掬，春風苦向掌中吹。  
今年花事許遲遲，九十春光已半歸。  
風急杏花吹不脫，落梅無數掠人飛。

水仙花

江妃虛却藥珠宮，銀漢仙人謫此中。  
偶趁月明波上戲，一身冰雪舞春風。  
額間拂殺御袍黃，衣上偷將月姊香。  
待倩春風作媒却，西湖嫁與水仙王。

韻絕香仍絕花清月未清天仙不行地且借水爲名開處誰爲伴蕭然不可親  
雪宮孤弄影水殿四無人

夜坐

背壁青燈觀讀書窺窗素月喚看渠向來諸老端何似未必千年便不如春後  
春前雙雪鬢江南江北一茅廬只愁夜飲無供給小雨新肥半圃蔬

新柳

柳條百尺拂銀塘且莫深青只淺黃未必柳條能蘸水水中柳影引他長

禱雨報恩寺因到翟園

霧氣初迎日脚開春光偏傍柳邊回寒暄消息何人會十指今朝出袖來  
草路無泥未有塵城南城北總由人不緣香火來山墅孤負今年半段春  
遶亭怪石小山幽夾徑低枝壓客頭幸自一來惟不早梅花滿地訴春愁  
未必錢園似翟園翟園窠木最宜看茂松亭下偏明眼矮檜平鋪翡翠盤

垂絲海棠

無波可照底須窺與柳爭嬌也學垂破曉驟晴天有意生紅新曬一絢絲  
不關殘醉未惺鬆不爲春愁懶散中自是新晴生睡思起來無力對東風

送羅永年西歸

名椿永  
豐人

梅苔香邊踏雪來杏花雨裏帶春回明朝解纜還千里今日看花更一杯誰遣  
文章太驚俗何緣場屋不遺才南溪鷗鷺如相問爲報春吟費麝煤

社雨

時節從來好雨知今朝社雨頓霏微落花只得春風舞濕却殘香不得飛  
讀唐人及半山詩

不分唐人與半山無端橫亂對詩壇半山便遣能參透猶有唐人是一關  
落梅再着晚花

數日春風不奈暄梅花落盡淨無痕却將晚蒼重收拾更放南枝第二番  
鑷白

五十如何是後生呼兒拔白未忘情新年只道無功業也有霜髭六七莖

春興

着盡工夫是化工不關春雨更春風已拚膩粉塗雙蝶更費雌黃滴一蜂

夜窗

口角哦詩細有聲不妨半醉不妨行青燈一點纔如黍解作書窗徹夜明  
詩人心緒幾時休逢着三春似九秋數到五更仍五點明朝還更有新愁

春曉

拂花紅露濺春衣柳外春禽睡未知天借晴光與桃李更將剩彩弄游絲  
風光明淑奈渠何非暖非寒直是和春到千花俱有分海棠獨自得春多  
一年生活是三春二月春光儘十分不必開牕索花笑隔牕花影也欣欣

米囊花

鉛膏細細點花梢道是春深雪未銷一斛千囊蒼玉粟東風吹作米長腰  
鳥語蜂喧蝶亦忙爭傳天詔詔花王東皇羽衛無供給探借春風十日糧

曉寒

黯黯輕寒淡淡陰遊人便覺減行春春風也解嫌蕭索自送鞦韆不要人  
春光喚入百花叢寒力平欺兩鬢蓬吹亂衆紅還復整海棠却不怕東風

楊文節公詩集卷之九



楊文節公詩集卷之十

宋吉水楊萬里廷秀甫譔

長陽後學彭淑秋潭甫校訂

繡谷宗裔雲彩四峯甫同校

荆溪集

上巳三首

上巳春陰政未開  
寒窗愁坐冷如灰  
凍蠅觸紙飛還落  
仰面翻身起不來  
雨冷風酸數日強  
老懷不可更禁當  
春寒幸自歸將去  
喚取重來是海棠  
正是春光最盛時  
桃花枝映李花枝  
鞦韆日暮人歸盡  
只有春風弄彩旗

寒食雨作

雙燕衝簾報禁煙  
喚驚晝夢聳詩肩  
晚寒政與花爲地  
曉雨能令水作天  
桃李海棠聊病眼  
清明寒食又來年  
老來不辦凋新句  
報答風光且一篇

垂絲海棠半落

雨後精神退九分  
病香愁態不勝春  
落階一寸輕紅雪  
卷地風來政惱人



寒食相將諸子遊翟園得十詩

雨罷饒晴色松陰轉午時堆成李花雪開遍海棠枝旋酌新篘酒留題細字詩  
不來真是枉欲去更云遲

又

鹿葱舊種菊新栽幽徑深行忘却回忽有野香尋不得蘭于石背一花開  
柳條老去尙青鮮下有清渠遶野田波面落花相趁走避風爭泊岸旁邊  
儘忙也到翟園休只見春光不見愁屈折海棠團更密日光下照繡燈球  
小小茅亭短短牕海棠圍裏柳中央乍晴萱草渾無力落盡梅花尙有香  
兒曹健走儘從渠老脚微酸半要扶未悉前頭花好否且令蜂蝶作前驅  
三月風光一歲無杏花欲過李花初柳絲自爲春風舞竹尾如何也學渠  
驅使花枝未苦休平章詩句政冥搜無端一竇西牕日不遣吾人略小留  
花木從渠取次栽青山那肯入城隈翟公不有驅山手城裏松林底處來  
荆溪老守底風流哦就十詩一笑休天欲做春無去處只堆濃綠柳梢頭

三月十日

纔看桃李錦成圍，忽便園林綠作堆。  
遠草將人雙眼去，飛花引蝶過牆來。  
簿書節裏無多着，懷抱朝來得好開。  
已是七分春去了，何須烏語苦相催。

清明雨寒八首

整冠忽見鏡中霜，挽樹渾無帶上香。  
已貯春愁過萬斛，更令細細着升量。  
脫却單衣着袂衣，禁煙無有不寒時。  
一年好處君知麼，寒食千門插柳枝。  
今年寒食與清明，各自陰晴作麼生。  
細雨千絲不成點，如何也解滴簷聲。  
桃李一空春已歸，不須更待絮飛時。  
閉門獨琢春寒句，只有輕風細雨知。  
苔階滴雨翠方濃，須把寒珠濺鹿葱。  
梅子猶粘雪前藥，海棠生恨夜來風。  
莫嫌細雨苦飄蕭，政要寒聲伴寂寥。  
杏葉猶疎不成響，且將紙瓦當芭蕉。  
閉戶何緣得句來，開牕更倩雨相催。  
只言春色都歸去，小樹桃花政晚開。  
風敲衆柳自成妍，雨泣殘花不忍看。  
急喚麴生嘗杏子，及渠小苦未生酸。

題山莊草蟲扇

風生蚱蜢怒鬚頭  
紈扇團圓璧月流  
三蝶商量探花去  
不知若箇是莊周

清明果飲二首

南溪春酒碧于江北地  
鵝梨白似霜頽却老人  
山作玉更加食邑醉爲鄉春光  
如許天何負雨點殊疎飲不妨  
絕愛杞萌如紫蕨爲烹茗椀洗詩腸  
深着爐香淺着梧楸行  
儘緩莫教催可憐花樹渾無賴  
下却簾鉤也入來雪藕  
新將削冰水蔗霜只好點青梅  
明年寒食還家去却憶荆溪花政開

和張侔子儀送韉紅魏紫崇寧紅醉西施四種牡丹二首

朱墨勾添眼底塵  
今年春盡不知春  
韉紅魏紫能相訪  
西子崇寧更可人  
洛花移種到松江  
國色天香內樣粧  
老裏嬾邊無好思  
爲渠覓句却窮忙

次李侔子壽郡集詩韻

蒼壁新煎第二泉  
博山深炷古龍涎  
草玄顧我非楊子  
能賦如公是仲宣  
詩社自甘編下戶  
醉鄉何苦不開邊  
窮州地主慙司業  
不解時時與酒錢

薛舍人母方氏太恭人挽章二首

熊膽平生苦魚軒晚歲榮芝蘭今柱史苗裔古玄英寒食花爭泣元宵燭半明

從今好時節萱砌罷君羹

恭人以上元日  
生寒食日死

賦感東征句詩愁陟屺篇生前九齡夢眼底五朝天錦告渾無恙雲車忽杳然

不堪青竹笋歸路不迎船

恭人元祐  
年中生

### 櫻桃

櫻桃一雨半彫零更與黃鸝翠羽爭計會小風留紫脆殷勤落日弄紅明摘來

珠顆光如濕走下金盤不待傾天上薦新舊分賜兒童猶解憶寅清

予舊在奉  
常孟夏太

朝薦櫻桃禮官各分賜  
四盤奉常有寅清堂

### 雨後行郡圃

雨餘行脚古城隈為愛危亭首屢回無數菊苗齊老去多時花徑不曾來

多稼亭前兩檻芍藥紅白對開二百朵

紅紅白白定誰先嫋嫋娉娉各自妍最是倚欄嬌分外却緣經雨意醒然晚春

早夏渾無伴暖豔晴香政可憐好為花王作花相不應只遣侍甘泉

論花者以  
牡丹王芍

小雨

雨纔放脚又還無葉上蕭蕭半霎餘貯得千珠無點漏絲窠元自不勝疎

六月喜雨三首

守臣兩月禱山川詔旨纔頒便沛然不是格天緣詔旨憂民天子本如天  
玄雲直下素光開雨到前山只恐回霹靂一聲風一陣爲儂催上半天來  
今年不是雨來慳不後秧時亦不前自古浙西長苦澇近來無澇恰三年

和李子壽通判曾慶祖判院投贈喜雨口號八首

雲起嘉山半點蒼乖龍無地著身藏自嫌白雨來差晚但遣黃雲作大穰  
塵漲街頭不識泥朝來也解滑霜蹄兩公玉句驚風雨把翫都忘日脚西  
雨早些時打麥殘雨遲許日卽秧乾阿誰會得天公意只道今年乞雨難  
夢中簷溜作灘聲幼竹新荷總解鳴曉色滿城渾是喜更無一寸旱時情  
蘇湖元以水爲鄉春旱偏欺潤與常一雨忽來三晝夜兩公卷入入詩章

守臣閱雨幾曾欣  
兩月天高叫不聞  
黃紙帶將今雨至  
分明端爲聖明君  
謫仙下筆不曾休  
句似銀盤拓彈流  
我欲將渠卜鄰著  
對披蓑笠刺漁舟  
南豐每見每津津  
繭紙松煤幻好春  
幸與李侯成二妙  
更添楊子作三人

曉登多稼亭三首

過雨梅無半箇黃  
冬青枝上雪花香  
不須更要風吹面  
看看青林意自涼  
雨前田畝不勝荒  
雨後農家特地忙  
一眼平疇三十里  
際天白水立青秧  
尙無池水泛荷香  
幸有園英照竹窗  
雪白葵花持玉節  
柿紅萱草立金幢

六月六日小集二首

青李來禽已眼明  
新瓜入夏見何曾  
酒邊忘却人間暑  
消盡金盆一丈冰  
新蟬聲澀亦無多  
強與嬌鶯和好歌  
盡日舞風渾不倦  
無人奈得柳條何  
雨足曉立郡圃荷橋

郡池六月水方生  
便有新荷貼水輕  
雨後獨來無箇事  
閑聽啼鳥話昇平

登多稼亭曉望

風不能銷曉霧痕天猶未放宿雲根城腰摺處纔三徑山觜前頭別一村

午熱登多稼亭五首

矮屋炎天不可居高亭爽氣亦元無小風不被蟬餐却合有些涼到老夫  
芒鞋葵扇頗蕭然倦倚胡床不是眠避暑無藏身去處追涼行盡竹旁邊  
不是城中是甌中兩餘日色更明紅若爲飛上金山頂獨立長江萬里風  
柳外花邊忽颯然好風一點破愁顏岸巾獨倚千尋樹閑看南雲度北山  
御風不必問雌雄只有炎風最不中却是竹君殊解事炎風篩過作清風

張尉惠詩和韻謝之三首

下筆生波便百川字間句裏總超然讀來清氣涼人骨六月真成九月天  
軟紅塵裏眼曾開苦被新詩猛喚回借問錦心能底巧更從月脅摘將來  
老去才情半掬慳不愁不退豈愁前清風明月無拘管與子分張更一年

臥治齋晚坐

閉戶坐不得開牕納微涼樹林蔭白日几研生碧光信手取詩卷細哦三數章

初披頗欣愜再攬忽感傷廢卷不能讀起行繞胡床古人恨如山吾心澹于江  
本不與彼謀云何斷我腸感罷翻自笑一蟬催夕陽

風不憩懷古堂

新葺懷古堂舊臨郭璞池去歲夏徂秋無日不此嬉蒹菼無暑性芙蓉有涼姿  
今年池水乾老子來遂稀豈惟來不留亦復去靡思朝來偶一到又覺景特奇  
水含霽後光荷于風處欹便有白鷗下驚起翠羽飛方池灩牕東長池橫簷西  
紅綠向背看觴詠朝夕宜此堂初無情此池諒何知如何涉斯世乖逢亦有時

琴下望雨

雲與惠山頂雨放太湖脚初愁望中遠忽在頭上落白羽障烏巾衣袖已沾渥  
歸來看簷溜如瀉萬仞壑霆裂大瑤瓊電縈濕銀索須臾水平堦花塢濕半角  
定知秧疇滿想見田父樂向來春夏交旱氣亦太虐山川已徧走雲物竟索寞  
雙鬢愁得白兩膝拜將剝早知今有雨老懷枉作惡

聞一二故人相繼而逝感嘆書懷



故人昔同朝與游每甚歡豈緣勢利合相得文字間有頃各補外不見今六年  
我來荆溪上敲榜索租錢故人復雙入飛上青雲端我雖世味澹羨心能忽然  
忽傳故人去得書墨未乾又傳故人士驚悼摧肺肝鼎貴良獨佳安貧未遽賢  
向以我易彼安知不作難今以彼易我試問誰當慳如何捐此軀必要博好官  
顧謂妻與子官滿當歸田我賤汝勿羞我貧汝勿歎從汝丐我身百年庶團爨  
妻子笑答我修短未易言富貴必速殞郭令當天殘貧賤果永算顏子壽必延  
我復答渠道薄命我自憐我福肯如郭我德敢望顏造物本嗇與我乃多取旃  
借令彼不怒退省我獨安汝言自有理我意不可還

晚步追涼二首

老眼偏明遠岫孤夕陽故遣樹陰疎蟬鳴葉底無尋處隨意閑行偶見渠  
風不須多只是涼穿花度柳到人旁細吹病耳聽颼響徐弄輕衫拂拂長

本不荷橋暮坐三首

橋剪荷花兩段開荷花留我不容回不勝好處荷橋坐政是涼時蚊子來

池似平鋪織錦橫，荷花爲緯藻爲經。  
無端織出詩人像，獨立飛橋摘斗星。  
水到荷花蒂，風生菰葉梢。  
鷗鳧晚聲散，天水夕光交。

休日晴曉讀書多稼亭

攜家守荆溪，忽忽已一葺。  
官舍非不佳，懷抱長鮮怡。  
若非僮僕病，定復兒女啼。  
昔貧嘆不飽，今秋豈緣飢。  
晨起袖書冊，急登亭上嬉。  
露痕尙星月，風氣無牕扉。  
頓覺老病身，不禁絺綌衣。  
昨暑何可度，朝涼乃爾奇。  
白鳥遠如蝶，玄蟬哦似詩。  
松色雪我神，荷香冰我脾。  
憂樂忽安在，形骸亦俱遺。  
穉子不解事，朝餐呼我歸。  
多稼亭上望三山中峯獨秀而低

三山道是遠連天，亭上看來只近簷。  
可惜當初低少許，三山幸有一峯尖。  
雨後晚步郡圃二首

畫舫鳴鈺野寺鐘，暮聲驚破翠煙重。  
好風不解藏天巧，彫碎孤雲作數峯。  
風勒歸雲帶雨回，不容老子小徘徊。  
撥忙也到池亭上，昨日卷荷今盡開。

曉坐荷橋四首

雨後晨前絕爽時胡床四面是荷池荷珠細走惟愁落爲報薰風莫急吹  
四葉青蘋點綠池千重翠蓋護紅衣蜻蜓空裏元無見只見波間仰面飛  
碧玉山邊白鳥鳴綠楊風裏翠荷聲好花踏碎教人惜爲勒芒鞋款款行  
簾影窺池到藕根水光爲我弄朝暎魚兒解作晴天雨波面吹成落點痕

池亭

小沼纔堦下孤亭恰水邊揩磨一玉鏡上下兩青天可惜無多水難堪着釣船  
今年非不暑每到每醒然

臥治齋盆池

舊來菰葉已全衰旋買新荷帶藕栽看得荷花作蓮子可憐時節被花催  
凝露堂前紫薇花兩株每自五月盛開九月乃衰二首

晴霞豔豔覆簷牙絳雪霏霏點砌沙莫管身非香案吏也移床對紫薇花  
似癡如醉弱還佳露壓風欺分外斜誰道花無紅十日紫薇長放半年花

暮坐中庭

蚊子因涼滅蟬聲入暮多有愁無處著不飲欲如何

食蓮子

蜂不禁人採蜜忙荷花藥裏作蜂房不知玉蛹甜如蜜又被詩人嚼作霜

食雞頭蓮

龍宮失曉惱江妃也養鳴雞報早暉要啄稻梁無半粒只教滿領飽珠璣

暮雨既霽將兒輩登多稼亭

一霎滂沱一霎晴簷間點滴尙殘聲水將樹影亂揉碎月與日光相對明試數

六宵還五雨坐令夏熱作秋清兒曹小住休歸去更聽風蟬子細鳴

苦熱登多稼亭二首

日脚斜紅欲暮天倚欄垂手弄雲煙兩行相對樹如許一葉不搖風寂然剩欲啜茶還罷去却愁通夕不成眠黑絲半把垂天外白雨初生遠嶺邊

吏散庭空便悄然不須休日始偷閑鷗邊野水水邊屋城外平林林外山偶見行人回首却亦看老子立亭間暮蟬何苦催歸急只待涼生月半環

暮熱游荷池上五首

玉礫金沙一逕長，暑中無處可追涼。  
獨行行到荷池上，荷不生風水不香。  
寒鴛千尋汲井花，病身一浴不勝佳。  
追涼不得渾閑事，燒眼生憎半幅霞。  
細草搖頭忽報儂，披襟攔得一西風。  
荷花入暮猶愁熱，低面深藏碧傘中。  
也不多時便立秋，寄聲殘暑速拘收。  
瘦蟬有得許多氣，吟落斜陽未肯休。  
空中斗起朵雲頭，旋旋開來旋旋收。  
初作鬢鬆松樹子，忽成髣髴柳花毬。

月下果飲

恰則天方暮，如何月正中。  
一年無此熱，今夕絕無風。  
早藕凝鬆雪，新菱剝醜紅。  
醉鄉堪避暑，只合著衰翁。

又絕句六首

酒邊無物伴長瓶，一顆新蓮一段冰。  
月下不風終是爽，燭光何罪也堪憎。  
一年遇暑一番愁，六月梢時七月頭。  
今夕追涼還得熱，何時過夏却逢秋。  
月初生處薄雲生，到得雲銷月政明。  
兩處打更如一處，二更還作四更聲。

坐久輕雲次第開  
月光飛入酒杯來  
今宵只有半邊月  
一半桂枝何處栽  
斜斜花影欲愁予  
唧唧蟲聲亦愛渠  
月與詩人元不薄  
儂于歡伯未應疎  
人靜更深丈室虛  
欲眠聊復小踟躕  
竹床最冷也成熱  
羽扇不涼差勝無

楊文節公詩集卷之十

謝文讀公詩集卷之十

入帶更初文室靈於海博驚小城臨竹和景發舟放疎際鼠不刺  
除除亦澤為慈予卿卿處事亦愛樂民與精入天和難類千道計未  
坐火聖聖文臺開民長樂夫臣殊來今宵只言半壯民一半封河

楊文節公詩集卷之十一

宋吉水楊萬里廷秀甫譔

長陽後學彭淑秋潭甫校訂

繡谷宗裔雲彩四峯甫同校

荆溪集

晚坐多稼亭

日光烘碎一天雲散作濛濛霧滿村我亦知渠別無事不教遠岫翠當門

梳頭有感二首

身在荷香水影中曉涼不與夜來同且拋書冊梳蓬鬢移轉胡床受小風  
同郡同年總八人七人零落一人存如何獨立薰風裏猶怨霜花點鬢根

晚涼散策二首

飯餘浴罷趁涼行偶憩池頭最小亭醉倚胡床便成睡夢聞荷氣忽然醒  
半點輕風泛柳絲忽吹荷葉一時欹芙蓉好處無人會最是將開半落時

閏六月立秋後暮熱追涼郡圃二首



上得城來眼頓明暮山爭獻數尖青垂楊舞罷西風葉一葉多時獨未停  
夏欲盡頭秋欲初小涼未苦爽肌膚夕陽幸自西山外一抹斜紅不肯無

靜坐池亭二首

胡床倦坐起凭欄人正忙時我正閑却是閑中有忙處看書纔了又看山  
荷邊弄水一身香竹裏招風滿扇涼道是秋來還日短秋來閑裏日偏長

秋暑二首

不教老子略眉開夏熱未除秋熱來一夜涼風吹欲盡半輪曉日喚將回  
汗如雨點湧人膚一一鬚根一一珠不道去年秋不熱今年秋熱去年無  
半柳斜陽半柳陰一蟬飛去一蟬吟岸巾亭子鈎欄角送眼江村松樹林

戲題

蜂居筆管沒人知誰遣啾啾不住時最是蝸牛太多事長將宅子自相隨

曉登水亭

露氣仍荷氣秋風更曉風身兼水亭子雙墮玉壺中

讀元白長慶二集詩

讀遍元詩與白詩一生少傅重微之再三不曉渠何意半是交情半是私

白蓮

花頭素片剪成冰葉背青瓊刻作稜珍重兒童輕手折綠針刺手却渠憎

瓶中紅白二蓮五首

紅白蓮花共玉瓶紅蓮韻絕白蓮清空齋不是無秋暑暑被花銷斷不生  
揀得新開便折將忽然到晚斂花房只愁花斂香還減來早重開別是香  
晚花特地斂新妝莫道無情總不妨中有黃金蓮子盞被人瞥見卽深藏  
白蓮半蒼未開時看作紅蓮更不疑到得欲開渾別了玉膚洗退淡臙脂  
折得荷花伴我幽更攀荷葉伴花愁孤房欲落偏多思一片先垂半不收

早起

不分老鈴下苦來驚我眠要知甘寢處最是欲明天未了公家事難銷月俸錢  
坐曹臨訟罷殘燭正熒然

曉登懷古堂

度暑過於歲初涼別是天獨穿秋露草來看曉風蓮病骨殊輕甚幽襟一灑然不妨聊吏隱何必更林泉

荷橋

橋壓荷梢過花圍橋外饒荆溪無勝處勝處是荷橋

感秋二首

今歲五十二豈爲年少人荷涼欣暑退蟬苦怨秋新澹慮翻成感彫詩不着塵小兒知得句頻掉小烏巾

南國初涼日東吳欲盡頭露荷幽馥曉雲日澹光秋也愛西風爽其如半老休蟬聲與蛩響計會兩催愁

雨後清曉梳頭讀書懷古堂二首

宿雨猶涼在晨陰欲霽初移床近秋水正面對芙蓉團扇淒無彩生衣凜覺疎欲歸仍小住更讀數行書

蟲響餘宵寂荷妝趁曉鮮  
梳頭花霧裏照水柳風前  
舊雨仍今雨新年勝故年  
登城有佳眺秋稼正連天

謝丁端叔直閣惠永嘉鬆研句容香鬪

元珍先生茁雲孫雪竹有節豹有文  
染雲作句本天巧鏤冰生花無手痕  
鷓鴣行邊舊聯翼天祿閣中今獨直  
半竿淮水將渠歸一笑荆溪豈人力  
贈我阿泓非姓陶木家居士漆園曹  
急呼陳玄導黑水花暈千層吹海濤  
句容銅山擣金屑幻出羽淵三足鼈  
兩耳踰肩一腹蟠解吐黃雲香刮骨  
雙珍投贈感故人禿翁有筆今無神  
梧水博詩元不直醬瓿覆却那作嗔  
阿泓處分珠絲裏延置銅君居上坐  
煮茶剝芡對爐薰遮莫白駒隙中過

檜逕曉步二首

老檜陰陰夾古城露叢迎貫日華明  
曉涼無箇人分却一逕深長獨自行  
雨歇林間涼自生風穿逕裏曉逾清  
意行偶到無人處驚起山禽我亦驚

謝尤延之提舉郎中自山間惠訪長句

淮南使者郎官星瑞光夜燭荆溪清平生龐公不入城令我折却屐齒迎交遊  
雲散別如雨同舍諸郎半爲土二老還將兩鬢霜三更重對孤燈語向來南宮  
綾錦堆南窗北窗桃李開先生誦詩舌起雷一字不似人間來剡藤染出梅花  
賦句似梅花花似句幾年金鑰祕銀鈎玉篴不施恐飛去秋風呼酒荷邊亭主  
人自醉客自醒儂能痛飲渠不飲飲與不飲俱忘形鬢今如霜心如水功名一  
念扶不起儂歸螺山渠惠山來歲相思二千里

小集食藕極嫩

比雪猶鬆在無絲可得飄輕拈愁欲碎未嚼已先銷

秋懷

隨分哦詩足散愁老懷何用更冥搜聿來胥宇蟻移穴無以爲家燕入秋蓋世  
功名吹劍首平生憂患浙矛頭從今歸去便歸去未到無顏見白鷗

七月既望晚觀菱壕

官壕水落兩三痕正是秋初雨後天菱苕中間開一路曉來誰過採蓮船

新涼感興

初退生衣進熟衣新涼只與睡相宜  
草爭人迹微疎處荷怯秋風欲動時  
又是一年將過眼如何兩鬢不成絲  
中元節後新來懶草冊纔抄第二詩

七月二十五日曉登多稼亭

風將煙雨入亭寒城引山林拓眼寬  
六月登臨渾覺熱朝來不敢傍危欄

凝露堂木犀二首

雪花四出剪鵝黃金屑千麩糝露囊  
看去看來能幾大如何着得許多香  
夢騎白鳳上青空徑度銀河入月宮  
身在廣寒香世界覺來簾外木犀風

中秋前一夕攜酒與子仁姪登多稼亭

月忽飛來墮我旁我還飛入月中央  
如何桂樹許多影不隔冰輪些子光  
自古中秋多苦事非風卽雨斷人腸  
醉來不信寒欺酒露濕梧盤凍作霜

觀蟻

偶爾相逢細問途不知何事數遷居  
微軀所饜能多少一獵歸來滿後車

一騎初來隻又雙  
全軍突出陣成行  
策勳急報千夫長  
渡水還爭一葦杭

中秋無月至十七日曉晴

劣到中秋雲便興  
中秋過了却成晴  
霧橫平野村村白  
日上疎林葉葉明  
歲事不應如許早  
朝來已覺嫩寒生  
春吟不似秋吟好  
覓句新來分外清

重九前五日再游翟園

翟園不到纔幾日  
寒梢冷葉秋蕭瑟  
只有黃花數點明  
上照青松下蒼石  
記得春頭來此嬉  
梅花太瘦杏花肥  
巷南巷北皆春色  
恰似吾人年少時  
忽怪翟園如許老  
園應笑我衰容早  
來歲春光更一來  
我衰依舊園還少

送子仁姪南歸二首

酒爲吾人綠花知  
九日黃風燈秋焰  
冷霜鴈夜聲  
忙愛子文無對  
嗟予老更狂  
相分卽相見  
不待半年強

再歲來相款  
三盃忽語離  
忍將垂老淚  
滴作送行詩  
子去儂猶住  
身留夢亦隨  
南溪舊風月  
千萬寄相思

賦 食老菱有感

幸自江湖可避人，懷珠韞玉冷無塵。何須抵死露頭角，苜蓿荷花老此身。

醉吟

古人亡古人在，古人不天應改不留三句五句詩，安得千人萬人愛。今人只笑古人癡，古人笑君君不知。朝來暮去能幾許，葉落花開無盡時。人生須要印如斗，不道金槌控渠口。身前只解皺兩眉，身後還能更盃酒。李太白阮嗣宗當年誰不笑，兩翁萬古賢愚俱白骨。兩翁天地一清風。

和丁端叔菊花

忽忽還重九，匆匆又歲華。不妨將白髮，剩與插黃花。

懷山莊子仁姪

危亭獨上忽傍徨，欠箇山莊墮我傍。却是向來相聚日，老懷未解憶山莊。吾家小阮未西歸，日日相從郡圃嬉。黃菊拒霜今笑我，先生也有獨時來。

張子儀大社折送秋日海棠

誠齋詩集

卷十一

荆溪集

卷十一

五

中華書局聚



新樣西風較劣些重陽還放海棠花春紅更把秋霜洗且道精神佳不佳  
木葉籬菊總無光秋色今年付海棠爲底夜深花不睡翠紗袖上月如霜

晚登淨遠亭

重陽纔過便新寒去歲如今暑尙殘雲外鴈來元不覺一聲喚我舉頭看  
簿書纔了晚衙催且上高亭眼暫開野鴨成羣忽驚起定知城背有船來

黃菊

鷺樣衣裳錢樣裁冷霜涼露濺秋埃比他紅紫開差晚時節來時畢竟開

晚登子城

鞋響新霜後襟暄野日初寒溪半灣落遠樹一行疎老矣端何苦歸哉不願餘  
終更猶半歲作麼度居諸

多稼亭前黃菊

危亭俯涼圃落葉日夜深佳菊獨何爲開花得我心韻孤自無伴香淨暗滿襟  
根器受正色非緣學黃金獨違春光早而俟秋寒侵豈不愛凋年坐令淹寸陰

奈此清苦操愧入妍華林向來朱碧叢亦復悴斯今清霜慘萬象幽芳耿森森  
持以壽君子聊爾慰孤斟

促織

一聲能遣一人愁終夕聲聲曉未休不解縲絲替人織強來出口促衣裘

迓使客夜歸四首

去時岸樹日猶明歸到州橋月已昇水與天爭一輪月市聲人語兩街燈迎來  
送往鬚成雪索筆題詩硯欲冰淨洗紅塵煩碧酒倦來不覺睡騰騰

病後霜威不見饒吟邊月色苦相撩重簾垂地寒猶入畫燭無風影自搖誰遣  
塵埃空老去何曾鷗鷺不吾招坐來已是愁無奈草露蟲聲政寂寥

起視青天分外青滿天一點更無星忽驚平地化成水乃是月華光滿庭筆下  
何知有前輩醉來未肯赦空瓶兒曹夜誦何書冊也遣先生細細聽

病身已怯九秋涼也復移樽下砌旁只愛盃中都是月不知身上幾多霜清愁  
舊覺天來遠寒夜新添歲樣長不是旁人俱欲睡老人無睡亦何妨

城頭秋望

秋光好處頓胡床  
旋喚茶甌淺着湯  
隔樹漏天青破碎  
驚風度竹碧匆忙

生酒歌

生酒清於雪  
煮酒赤如血  
煮酒不如生酒烈  
煮酒只帶煙火氣  
生酒不離泉石  
味石根泉眼新  
汲將麴米釀  
出春風香座上  
豬紅間熊白  
甕頭鴨綠變  
鵝黃先  
生一醉萬事已  
那知身在塵埃裏

夜雨

幽人睡正熟  
不知江雨來  
驚風颯然起  
聲若山嶽摧  
起坐不復寐  
萬感集老懷  
憶年十四五  
讀書松下齋  
寒夜耿難曉  
孤吟悄無儕  
蟲語一燈寂  
鬼啼萬山哀  
雨聲正如此  
壯心滴不灰  
卽今踰知命  
已先十年衰  
不知後此者  
壯心肯更回  
舊學日蔬蕪  
書冊久塵埃  
聖處與天似  
而我老相催  
坐念慨未已  
東牕晨光開

芭蕉

芭蕉得雨便欣然  
終夜作聲清更妍  
細聲巧學蠅觸紙  
大聲鏘若山落泉  
三點

五點俱可聽萬籟不生秋夕靜芭蕉自喜人自愁不如西風收却雨即休

雨中懶困

城頭欲上苦新泥暖風薰人軟欲癡睡又不成行不是強來看打洛神碑

胡達孝水墨妙絕一世爲余作枯松孫枝石間老柏謝以長句

東齋歸自浣花里訪我弄泉惠山趾隨身萬里只孤舟一簪不曾著行李忽拈  
遠物出袖中乃是孔明廟前古柏閬州松徑從平地便起立上穿屋瓦到青穹  
老蛟脫鱗乾見骨厥孫碧絲作鬚髮石間霜皮二千尺石似孤根根似石硬根  
瘦幹未要論葉間猶帶漢唐春歲久亦無苔蘚痕只有雪山之雪玉壘雲却收  
松柏半天裏几上捲來一張紙

苦吟

蟻無秋衣鴈無裘霜天謀食各自愁鴈聲寒死叫不歇蟻膝凍僵行復休先生  
苦吟日色晚老鈴來催喫朝飯小兒誦書呼不來案頭冷却黃齏麵

晚衙野望

上却城來忘却歸迎他來鴈送他飛可憐烏白能緇素却被清霜染作緋

毗陵郡齋追憶鄉味

座無黃雀牛尾狸荆溪日日思江西若無鵝梨與海錯江西却恐思荆溪舊居  
江西不自惜到得荆溪却追憶明年官滿歸江西却憶荆溪再難得江珍海錯  
各自奇冬裘何曾羨夏絺鵝梨黃雀無不可荆溪江西不關我

和張漢直

宛水吹波解舫齋南徐弔古上高臺岸巾過我燈前語贈句清於月底梅對着  
酒船手持蟹管渠秋井骨生苔壁間挂舌那能許一斗百篇真快哉

曉坐臥治齋

夜風甚細不勝酸霜落無聲只自寒日上東窗無箇事送將梅影索人看

行圃

飯罷來窺園晴路忽流水石子淨無塵一一濕如洗夜來元無雨霜消痕尙爾  
穉子有素約杖屨從我戲老夫偶獨先穉子久不至初心一何樂中路慘不喜

悵望行復歇回顧亦三四行逢木槩開攀翻嗅霜藥

壕上

壕上朝來眼頓明小風淺水寫秋清新霜殺盡浮萍草放出靴紋水面生

白髮歎

素絲久卽黑黑鬢久卽絲絲黑有浣法鬢絲無染期日月有底忙晝夜馳向西  
江漢與之反却向東方馳江漢西流日東落鬢絲漆黑還如昨夜長何不秉燭  
游自是人生不行樂

紅葉

詩人滿腹着清愁吐作千詩未肯休寫徧壁間無去處却將紅葉強題秋

送蔡定夫提舉正字使廣東

國朝以來妙人物近世獨數乾道年后皇乃武再開關欲傾東海洗坤乾九淵  
探珠巖探璞天地爲網罟羣賢玉堂金鉉貯稷契蓬山璧水俱崔班追還慶曆  
元祐初突過正觀開元前麟臺正字蔡夫子乃祖元是四諫官風流文采已碧

梧忠義慷慨仍青氈折檻舊痕故無恙后皇是日動龍顏嚴霜烈日照鷓鴣一  
身似葉飄淮堦柴門僵臥三臘雪魚釜僅續一線煙后皇九重念五嶺生愁雨  
露南方乾詔謂正字當居中肯爲朕行綏百蠻梅花迎笑錦囊古南斗退避文  
星寒動搖山嶽細事耳約束海若收波瀾坐令百姓萬里外墮在二陝三輔間  
檳榔紅時芝泥紫歸來徑着侍臣冠我家江西更西處白鷺洲對青原山公歸  
肯訪老翁否酤酒滿眼未必然青芻白飯聊隨緣

齋房戲題

長瓶舉我充自代短檠留人爲莫逆醉鄉無日不瓜時書圃何朝無菜色欲從  
舉者便彈冠回顧石交難割席子墨客卿善運籌更問渠儂決去留墨卿轉問  
子虛子欲說還忘一笑休

太平寺壁

郡人徐友畫  
清濟貫河

太平古寺劫灰餘夕陽惟照一塔孤得得來看還不樂竹莖荒處破殿虛偶逢  
老僧聽僧話道是壁間留古畫徐生絕筆今百年祖師相傳妙天下壁如雪色

一丈許徐生畫水纔盈堵橫看側看只麼是分明是畫不是水中有清濟一線  
波橫貫萬里濁浪之黃河雷奔電卷儘渠猛獨清元自不隨他波痕盡處忽掀  
怒攪動一河秋色暮分明是水不是畫老眼向來元自誤佛廬化作金拖樓銀  
山雪堆風打頭是身飄然在中流奪得太乙蓮葉舟僧言此畫難再覓官歸江  
西却相憶并州剪刀剪不得鵝溪疋絹官莫惜貌取秋濤懸坐側

水紋二首

池面尖風起煙痕一拂微無形還有影掠水去如飛  
初作眉頭皺還成篋面斑小風來不住織遍一池間

一鷺先立池中有雙鷺自外來先立者逐之雙鷺亟去莫敢敵者  
鷺鷺各自有食邑長恐諸侯客子來一鷺忽追雙鷺去窮追盡處始飛回

晚風寒林

已是霜林葉爛紅那禁動地晚來風寒鴉可是矜渠黠踏折枯梢不墮風  
樹無一葉萬梢枯活底秋江水墨圖幸自寒林俱淡筆却將濃墨點栖鳥



霜夜無睡聞畫角孤鴈

畫角聲從枕底鳴愁霜怨月不堪聽擁裯起坐何人伴只有殘燈半暈青  
梅邊玉瑄月邊橫吹落銀河與曉星城裏萬家都睡着孤鴻叫我起來聽

飯罷登淨遠亭

今歲寒應少冬深氣轉和都緣徑差曲添得步行多柳色猶青在霜威奈爾何  
忽然雙野鴨飛下一池波

晴望

愁於望處一時銷山亦霜前分外高枸杞一叢渾落盡只殘紅乳似櫻桃

豫章王集大成惠我思古人實獲我心入詩謝以五字

孤嗜難衆悅今聽非昔絃美人西山秀蕨茹飲澗泉雪蕞韞明月冰掉刺野船  
寶袂耿不掩球聲忽復珊聞者已瞳若鬻之諒悠然良壤彼何憎擊缶俗所便  
老我詎能聰妙音誤至前古人子所思而我豈古賢借不滿子賞能不聊子歎  
故家富彥士梧竹映芝蘭紫餘乃祖橐朱遍羣從輻迅趾豈地行逸翎當雲鶩

最哉搏羊角何必懷西山

不寐聽雨

雨到中宵寂不鳴只聞風拂樹梢輕瓦溝收拾殘零水併作簷間一滴聲

送張元直尉鹽官二首

壁水寒齏客春闈擢桂郎折腰端小耐整翮未須忙德進官無小詩癯譽更香  
會看兩鷄鵲飛下蓼灘傍

溧水孟東野南昌梅子真平生一少府千載兩高人白馬松梢寺朱旗雪外春  
村行如得句寄我大江濱

和胡運幹投贈

詩似離騷與國風一襟塵土爲君空來從月脅天心外墮在冰甌雪碗中判却  
青燈窮活計早歸紫禁策元功麴生未怕愁城峻聊遣渠儂爲九攻

夜雨獨覺

枕上還鄉枕上回更更點點把人催雨將苔砌滴到曉風揀荻簾疎處來每到

週年每多感不教睡眠不曾開來宵我識華胥路莫近茶甌近酒盃

夜聞風聲

作寒作暑無處避花開花落儘他意只有夜聲殊可憎偏攪愁人五更睡幸自無形那有聲無端樹子替渠鳴斫盡老槐與枯柳更看渠儂作麼生

詠蠶

庾郎晚菘翡翠茸金城土酥玉雪容如何俱墮瑤甕中却與醃鷄同闕宮金井銀床水清泚雪山冰谷鹽輕脆秋風一月釀得成字曰受辛非麴生太學儒生朝復暮茹冷啜寒那可度十年雪汁凍蔬腸一夜飢雷聽更鼓不如甕頭吏部甕頭醒一逢受辛還一醒畢卓與爾同死生

楊文節公詩集卷之十一